

玉海



040

1000:62

34870

玉海卷第一百六十一

浚儀王應麟伯厚甫

宮室

殿下

唐麟德殿

舊紀高宗上元元年九月辛亥百僚具新服上宴於

麟德殿

殿在大明宮拾翠殿西

德宗正元四年三月甲寅宴群臣

於麟德殿設九部樂內出舞馬上賦詩一章羣臣屬

和

寧王憲傳明皇天性順睦雖讒說亂其間而卒

無以搖時有鵲鴿千數集麟德殿廷木翔棲浹日左

清道率府長史魏光乘作頌以爲天子友悌之祥帝喜亦爲作頌寧王允謹畏未嘗干政而與人交帝益信重以書賜憲等曰魏文帝詩西山一何高高高殊無極上有兩仙童不飲亦不食賜我一丸藥光曜有五色服之四五日身體生羽翼朕每言服藥而求羽翼寧如兄弟夫生之羽翼乎陳思王之材足以經國文而絕其朝謁卒使憂死魏祚未終司馬氏奪之豈神邪虞舜捨象傲以親九族朕所歎慕也頃因餘得神方云餌之必壽此藥願與兄弟共之偕至於無極也

會要正元三年三月造會慶亭於

麟德殿前十年九月南詔使朝見於麟德殿上所錫  
賚甚厚十二年二月巳卯以寒食節御麟德殿內宴

於宰臣位後施漢各臣圖屏風仍題其嘉言美行于

下

又永隆二年大子初立宴麟德殿長安元年日本使宴是殿正元中東蠻三王人朝宴是殿詳見

燕享

四月庚午上降誕日會沙門道士兼儒官討論

三教於麟德殿十四年二月戊午上自制中和樂舞

百僚於麟德殿觀新樂十六年正月南詔進奉聖樂

舞御麟德殿以闕之元和十年閏新作指南車記里

鼓車於麟德殿十三年二月詔六軍使創修麟德殿

之右廊上御麟德殿對翰林學士張仲素段文昌沈

傅師柱元穎

文宗開成至年十一月庚午於麟德殿開  
雀學七柳公權丁居晦對授居晦中丞

成四年正月御麟德殿對入朝賀正南詔三十七人

賜錦綵金銀帶衣服 穆宗紀長慶元年二月乙亥

觀樂于麟德殿癸卯擊鞠于麟德殿 列傳韋渠牟

正元十二年

四月  
庚午

德宗誕日召徐岱渠牟及佛老二

師並對麟德殿賢問大起渠牟有口辯雖於三家未

究解然問荅鋒生帝聽之意動

徐岱傅召岱及趙需  
許孟容韋渠牟講說

張茂昭自義武來朝

正元二  
年十月

十從容言河朔事召

見麟德殿賜良馬甲第器幣

回紇德宗時請和親

詔使者見成安公主於麟德殿

趙昌對麟德殿

杜崇召見麟德殿 李光顏平蔡召對麟德殿賜予

蕃澤 田弘正元和十四年八月來朝對麟德殿眷

勞殊等引見僚佐將校二百餘人皆有班賜 王智

興文宗時入朝燕麟德殿 實錄永正元年六月景

申皇太子見四方使於麟德殿西亭元和二年二月

丁丑以寒食御麟德殿宴宰臣杜佑等七年正月癸

酉御麟德殿宴南詔渤海祥柯等使乙酉宴涇原節

度使朱忠亮丁亥御麟德殿宴南詔使九年二月己

丑御麟德殿召見渤海使宴賜十三年正月御麟德

殿對韓公武賜器緡錦及馬二月辛酉御麟德殿

宴回鶻南詔使乙亥御麟德殿宴羣臣大合樂賜錦綵銀器九月癸巳御麟德殿對吐蕃使十四年正月癸未宴回鶻使三月乙酉以齊魯初平宴百僚于麟德殿宰臣裴度等舉觴獻壽七月甲申麟德殿宴宣武節度韓弘八月丁卯麟德殿宴魏博田弘正九月己亥麟德殿宴親王穆宗元和十五年二月庚寅對新羅渤海朝貢使于麟德殿宴賜九月辛酉御麟德殿宴李光顏愬賜錦綵銀瓶盤衣馬戊辰對吐蕃使于麟德殿宴賜長慶元年二月辛卯寒食御麟德殿賜百僚宴二年正月壬子宴渤海使八月壬午宴吐

蕃使十月壬子宴回紇使大和元年五月戊辰宴諸道端午使六年二月己丑寒食宴羣臣七年三月庚戌宴回鶻開成二年正月癸巳宴南詔渤海使並於

麟德殿

兩京記金鑾西南曰長安殿長安北曰仙

居殿仙居西北曰麟德殿此殿三面故以三殿名東南西南有閣東西有樓內宴多於此大福殿在三殿北拾翠殿在大福殿東南案此麟德殿在拾翠西大福南仙居西北又名三殿

○音訓在右  
銀臺門北

漢有麒麟殿後周有麟趾殿招集學士考校圖籍

唐三殿



見上 三殿者麟德殿也。一殿而有三面，故名。亦曰

三院結隣爵儀樓，即三殿之東西廊也。

兩京新記：西京大明宮中

有麟德殿三面，元宗與諸王近內臣宴多於此殿。

開元元年十二月丁酉

以吐蕃遣大臣求和，命有司引吐蕃使宴于三殿。乾

元二年十二月戊申，宴蕃胡拓翔。代宗寶應元年七

月辛丑，宴六軍將。八月己酉，宴奚契丹來朝。大曆二

年八月癸未，宴李抱玉、杜鴻漸、劉晏、衛伯玉。三年五

月戊午，宴劔南陳鄭神策將士三千五百人。六年十

一月，宴文單國王、婆彌等二十五人。十年八月乙亥

宴宰臣至京兆尹。十三年正月甲戌，宴宰臣以下。二

月庚辰宴侍臣五品以上十四年二月壬辰燕百僚  
癸巳宴至德已來勲臣子弟及藩邸舊臣子弟元和  
八年五月戊午宴回鶻使寶曆元年三月壬子宴百  
寮二年二月丁巳宴百官並於三殿 肅宗於三殿

觀樂

憲宗嘗閱月不賜對李絳謂大臣持祿有詔

明日對三殿

元祐十三年鳳翔節度李惟簡忠武

節度司空光顏邠寧尚書劄來朝上爲之燕三殿張

百戲公卿侍臣咸與

韓文

開成二十年春於三殿對

學士

獻替記

五年十二月會昌二年正月於三殿對

南詔

會要

咸通三年奉鄭太后宴于三殿命翰林

學士侍立結綺樓下傳杜審言有蓬萊三殿侍宴

詩李庾西都賦啓九重開三殿齒羣官於次坐召

公族於內宴

唐集賢殿 集仙殿

張說僖帝傳說與禮官學士置酒集仙殿開元十三年四月丙

辰曰朕今與賢者樂於此當遂為集賢殿乃下制改

麗正書院為集賢殿書院會要開元十三年四月

五日因奏封禪儀注殿中書門下禮官學士等賜宴

集仙殿上曰今與卿等賢才同宴於此宜改集仙殿

為集賢殿麗正書院為集賢院乃下詔曰云云集

紀開元十三年四月丁巳云云同上改院內五品

上爲學士六品已下爲直學士百官志永泰時動  
臣罷節制無職事皆待制于集賢門凡十三人  
巨彥範傳時武后處迎仙官之集仙殿

唐萬壽殿

見壽星壇

唐拾翠殿

六典拾翠殿在大明宮杜甫詩賦詩拾翠殿佐酒  
望雲亭

唐夫同殿

六典大同殿在興慶宮金明門之北舊紀天寶七  
載三月乙酉大同殿柱生玉芝有神光照殿八載六  
月大同殿又產王芝一莖五行志天寶十載六月  
乙亥大同殿前鍾自鳴會要太和三年十月修南  
內大同殿及勤政樓明光樓

唐長生殿

樂志元宗幸驪山楊妃生日命張樂長生殿因奏新  
曲會要華清宮天寶元年十月辛丑造長生殿名  
為集仙臺以祀神張廷珪傳武后名見長生殿此殿

唐蓬萊殿

六典大明宮有蓬萊殿 兩京記蓬萊殿在紫宸殿  
北 列傳李泌在蓬萊書院 段秀實大曆十三年  
來朝對蓬萊殿代宗問所以安邊者畫地以對 許  
康佐文宗觀書蓬萊殿問康佐李訓春秋之義 敬  
宗寶曆元年八月己丑蓬萊殿會沙門道士

唐玉宸殿

見玉宸宮調

唐延英殿

六典大明宮宣政殿之左曰東上閣右曰西上閣次

西曰延英門其內之左曰延英殿右曰含象殿 按

延英實在東內正觀八年置永安宮明年曰大明官龍

朔二年始大興葺曰蓬萊宮四月辛巳宮成獨是殿

經始史缺歲月會要上元二年七月甲辰延英殿御

坐梁上生玉芝 一莖三花上親製玉靈芝詩三章章八句 按五行志係肅

宗之上元葺述兩京記成於開元十年不書是殿至

三十六年六典書成歷歷維見然則創於開元中歟

兩京記不載而六典紀之開元中置可知 楊瑒傳元宗召對宰相議天下

戶版延英殿惟瑒 戶部侍郎 言利病尤詳 在封泰山前

按六典會要延英在西上閣之西而李庾賦乃曰左

閣當辰誤矣

李陝西都賦東則左閣當辰延英殿

陽是爲二官

宜徽洞達温室隅南接以重商繇以少

西上閣門西廊右畔

一作西廊內

開便門以通宰臣自閣

中赴延英路

示優禮也

則不在紫宸殿東矣

六典所記爲

可信

初有大明卽有是殿名對大臣則始於代宗

苗晉卿傳代宗立

初卽位十

月庚申年老乞間日入政事堂

帝優之爲御小延英名對宰相對小延英自晉卿始

代宗寶應元年九月壬午御延英殿會羣臣議政事

自辰至午乃罷丙戌自辰至巳

韓臯曰延英之置

也肅宗以苗晉卿年

老難步故設之耳宰相晉卿對延英羣臣初無許

預之側韓臯爲中丞有所陳必於紫宸上謂曰與卿



言不盡可來延英與卿從容則是特許其對也正元

元年十二月詔延英視事日令常參官七人對政得

失七年詔每御延英諸司官長奏本司事則百官許

對延英矣

薛珪傳德宗陛下情不達因詔延英坐日許百司長官二員言缺失謂之巡對十八

年詔有陳奏宜延英門請對勿令正衙奏事舊紀

正元七年十月癸丑詔每御延英令諸司官長二人奏本司事尋又敕常參官每一日二人引見訪以政事謂之巡對會要云訪以政事又引見常參官二人

人訪政道謂之次對官十八年七月敕此來百官奉事每於正衙至於移時自今以後不須於正衙奏事

如要陳奏事者並於延英進狀請對

憲宗時元稹爲拾遺乞於延英訪

問舊紀元和元年四月壬戌武元衡請尚書省六品

已上職事官東官師傅賓詹王傳等每坐日令兩人

待退朝於延英候對

從之、二人待制

四年御史臺奏

延英開日羣臣不得前知遇坐時方進狀請對

是開延英

無定

文宗開成二年八月丙午望日御延英對刑法

官又諫議馮定請許左右史從宰相至延英記所言

故事兩省轉對延英獨常侍不與鄭畋爲右散騎建

言宜備顧問詔可

遂著于令

則羣臣亦得對矣大曆

三年十月庚辰御延英殿見畿縣令正元四年十月

上召京兆諸縣令對延英訪以人之疾苦且慰勉之

各賜衣一襲

六年九月同

文宗開成元年中書門下奏舊

例刺史授官遇延英開日候對奏發日蓋重理民之

官欲觀去就近曰刺史進狀便辭自今刺史遇開延察言語

英卽入陛辭二年楚州刺史蕭俶延英候辭則是外官亦得見辭也

入朝而對者郭子儀大曆九年入朝對延英代宗

與語吐蕃方彊慷慨流涕張建封正元十三年十

月丁丑以泗濠節度來朝帝不待日一云雙日召對召見延

英眷遇異等時宮市爲民患因間言之頗順聽還鎮

帝賦詩以餞張茂昭元和二年一云五年冬自義武入

朝至京師十二月不待日雙日開延英對五刻罷故事

雙日不坐裴度王師討蔡度視行營諸軍詔母須宣政

衙卽對延英度自請督戰拜同平章事長慶二年四

月由太原入朝帝曰朕當延英待卿帝以度勲德故待以殊禮李吉甫元和六年召自淮南秉政入對延英凡五刻罷

論政事李景略對德宗論奏術術有大臣風許

孟容爲給事中正元十八年三月特開延英門召對

樊澤召對延英德宗歎其論兵與我意合崔珙

爲嶺南節度入對延英文宗訪問珙對有理趣鄭

覃元和十五年十月穆宗詔閣中殊不款款後有爲

我言者見卿延英張仲方敬宗詔王播遣競渡舟

三十艘仲方見延英論爭韋奧爲京兆大中十年

於延英問。

別賢佞。陽城詣延英門論裴延齡伏閣不去救陸

贄約拾遺王仲舒守延英殿閣上疏。崔元亮鄭注

陷宋申錫元亮率諫官叩延英苦諍。獨孤郁元和

四年十月戊子延英對度支使李鄜京兆尹許孟

容中丞李夷簡諫議孟簡給事中呂元膺穆質右補

闕獨孤郁等皆言承瓘不可統師。郁言尤激切。實錄

王質與諫官伏閣文宗開延英召見李景遜寶曆

初命王播

承恩獎。李晟馬燧正元五年九月見延英殿德宗

嘉其勲下詔圖凌烟閣九年十月燧對延英殿 蘇

弁德宗名見延英賜金紫 蔣乂正元九年擢史館

修撰德宗重其職先名見延英乃命之 崔苒正元

十六年五月召山人崔苒對延英 穆贊德宗對延

英擢中丞 韋渠牟延英壽事雖大臣率漏下二三

刻止及渠牟爲諫議大夫每奏事五六刻乃罷 德宗

武元衡中丞對延英德宗目送之曰真宰相器

李景儉澧州刺史延英奉辭穆宗詔爲郎 牛元翼

長慶中見延英 薛存慶劉總以幽州歸穆宗謂宰

相曰必用存慶可以宣朕意對延英一刻遣之

對宰臣 自中葉以後雙日及非時大臣奏事別開

延英 湯綰對延英給扶

李絳爲相

元和六年嘗相九年罷

盛夏對延英帝汗浹衣絳欲趨出帝曰官中所對唯  
宦官女子欲與卿講天下事乃甚樂也穆宗數遊畋

絳扣延英切諫

裴珀元和三年旣相珀因奏引太

宗躬勤聽覽以諷上嘉納之延英議政率漏下五六

刻 李吉甫元和七年七月己未御延英謂吉甫曰

畋遊悉廢唯務讀書

李德裕與三宰相見延英而

武宗赦嗣復珽

韋處厚大和元年四月丙辰宰臣

於延美旣出再召處厚獨對一刻極論不能堅決之

失請遜位 牛僧孺太和六年延英召見宰相曰公等有意太平乎何道以致之僧孺曰太平亦無象楊嗣復建言延英殿對宰相乞錄付史館 若崔損延英進見不敢出一言竇參每對延英它相罷必留令狐綯奏事延英汗沾衣

見御史 李直方正元十一年二月召見延英殿

宴羣臣 代宗寶應元年八月丁巳宴宰臣已下九

月戊寅宴郭子儀等

丙申宴  
回紇使

永泰元年正月辛亥宴

宰臣大曆八年十一月戊午宴宰臣子儀等開成元年十月慶成節宴



會諸將 代宗寶應元年十月雍王東討帝御延英殿大會南北軍諸將問以東征之事

諫官叩延英 穆宗時言不可罷裴度兵

見上

不御正殿則視朝廷英 正元元年七月蝗八月甲子詔不御正殿奏事悉於延英丙寅視朝廷英羣臣列位延英門外

次對 元和元年四月詔日令兩人待制退朝詣延英候對二年二月己巳停次對

元和七年四月壬子開延英對宰臣八年六月辛巳朔以積雨延英門不開者十五日帝謂宰臣每至三

日兩亦對十年三月壬申朔御延英殿召對宰臣特  
以事召也十四年八月己未上謂宰臣曰今天下雖  
漸平尤須勤於政理若通休暇頗不坐有事卽詣延  
英請對勿拘常制十月下元假召宰臣對於延英議  
邊事也會要憲宗初讀實錄見正觀開元故事竦慕  
不能釋卷自是延英議政晝漏率下五六刻方退舊

史贊

文宗卽位銳意於治每延英對宰臣率漏下十

一刻唐制天子隻日視朝乃命輟朝放朝皆用雙日

本紀贊

大開成四年召宰相見延英退坐思政殿

和元年三月

仇士良傳文宗坐延英論詩工否僖宗易延英名

靈芝 後復舊

一云延英殿在大明宮東上元以來置宰相欲論事  
天子欲咨度皆非時召對旁無侍衛人得盡言相對  
有思政殿元和中建通典唐自上元以來置延英在  
上閣之東故李庾賦云東則左閣當辰延英耽耽唐  
六典云在上閣之西誤也 長安志曰在紫宸殿東 懸  
謂六典會要可信豈不愈於李庾 洛陽亦有延英  
殿天祐元年詔每月一五九開延英

唐交泰殿

會要天寶十載四月二十一日興慶宮造交泰殿成

唐承暉殿

會要元和十三年二月浚龍首池起承暉殿

唐思政殿

通鑑穆宗卽位召學士段文昌薛放丁公著對于思政殿至夕乃出文宗開成四年坐思政殿召學士周墀會要長慶四年十二月高重崔郾高釳於思政殿中謝郾奏曰臣職侍講未嘗召問經義上賜錦綵銀器憲宗册文曰編書辨謗創殿思政則是殿憲宗所作歟延英相對有思政殿元和中建元稹云思政對學士往往官官傳詔洛陽太極殿又名思政後梁改思

政殿爲金鑾殿

唐寶慶殿

會要穆宗元和十五年七月

甲寅

新作永安殿及寶

慶殿

大張樂九月戊申御宜和殿宴貴戚

唐積慶殿

蕭后傳武宗時徙居積慶殿號積慶太后

開成五年十月徙居

殿在  
興慶宮

唐雍和殿

會要大中元年七月敕親親樓號雍和殿別造屋宇

廊舍七百間

通監大中元年八月上崇睦兄弟作

雍和殿於十六宅數臨幸置酒作樂

唐靈臺殿

高駢傳咸通中帝將復安南拜都護召還京師見靈臺殿

梁金鑾殿 文明殿 朝元殿

梁開平二年正月改思政殿爲金鑾正觀殿爲文明  
含元殿爲朝元 西京洛陽 乾化元年置金鑾殿大學  
士以敬翔爲之 本朝太平興國三年改金鑾六殿

名

後唐端明殿

端明殿 西京 同光二年正月丁未改天成元年五月

以馮道趙鳳為學士 太平興國三年改為武德殿

在延春殿北

唐趙鳳為相奏事中興殿 晉天福二年五月以汴

州行闕為大寧宮 劉晌以端明殿學士拜相入謝

端明殿時以為榮謝

### 建隆講武殿

即崇政殿也 建隆元年七月戊午宴韓令坤等於

講武殿乾德三年九月己巳御殿閱諸道兵四年四

月宴近臣八月乙卯錄囚開寶五年閏二月壬辰召

進士安守亮等對于是殿始下詔放榜新制也六年

三月庚午

十九日

覆試進士宋準等于是殿八年二月

戊辰試進士王嗣宗等于是殿三月二十九日名契  
丹使觀射于此十月己亥朔名瀘州守臣見于此興  
國二年正月戊辰三年九月甲申五年閏三月甲寅  
八年三月丙子皆試進士于此雍熙二年三月始試

進士于崇政殿

乾德鑿池習戰太宗築臺太閣皆

名講武

西京亦有此殿景德四年二月己巳次西

京壬申宴從臣於講武殿

燕朝穆清神心經緯四

征九伐咸入睿筭上延良平借箸運籌之謀下程賁



育扛鼎揭旗之技沈幾於樽俎之間收功於疆場之表

後魏有經武殿後周有正武殿唐有戟武殿

### 建隆萬春殿

建隆元年九月辛丑宴近臣於萬春殿後九日又宴廣德殿皆曲宴也二年閏三月丙戌宴令坤延釗於廣德殿節度使赴鎮錫宴自此始

### 乾德乾元殿

崇元殿

朝元殿

天安

殿

### 景祐大慶殿

梁曰崇元

梁開平元年四月改正衙殿爲崇元建隆元年八月朔入閣二年正月五月朔受

朝於  
崇元 乾德四年四月庚戌重修一云二月十一日修 改乾元太

平興國九年五月殿災改朝元一本云雍熙元年七月壬子改爲朝元 實

國九年卽雍熙元年也 大中祥符八年四月殿災六月巳酉實錄

甲子 改天安景祐元年正月一本作明道二年十二月甲寅 改大慶殿

九間挾各五間東西廊各六十間有龍墀沙墀正至

朝會冊尊號御此殿饗明堂恭謝天地卽此殿行禮

郊祀齋宿殿之後閣蓋正殿也淳化中張洎奏卽唐之含元在周爲外朝

在唐爲大朝冬正設仗衛朝萬國在此太祖克澤

澤下惟揚復湖湘得制藩臣劔南取嶺南平江左武

功震耀九年受朝乾元降王在列聲  
回威備扈蒙上聖功頌序述其事  
受冊 乾德元年十一月十六日崇元受冊開寶元

年十一月二十四日興國三年十一月十五日六年十一月十七日並乾元受冊淳化元年正月一日乾元受朝賀受冊咸平二年十一月七日祥符元年十二月四日朝元受冊天禧元年正月十一日恭謝禮畢三年十一月十九日天聖二年十一月明道二年二月並天安受冊景祐二年十一月大慶受冊寶元元年十一月同

受朝 興國二年十一月庚寅冬至三年五月朔淳化三年正月朔皆於朝元

冊皇太子 至道元年九月丁卯於朝元設黃麾大

仗及宮垂樂于庭。天禧天安乾道大慶。

明道元年十一月甲戌恭謝天地于天安殿。

志正陽門內正

殿曰天安改元皇祐二年以大慶殿爲明堂御篆二字行禮揭之。嘉祐元年九月辛卯恭謝大慶。

### 開寶滋福殿

舊曰明德。滋德在垂拱殿西。開寶四年三月丙申改

滋福。咸平三年明德太后居之。號萬安宮。萬安殿。祥

符七年復爲殿。明道元年十月甲辰改皇儀。至道

三年九月揚允恭以邊郡地圖來上。御滋福殿召輔

臣以圖示之。祥符二年十二月劉承珪上天書儀仗

圖列于滋福殿。天禧元年七月甲寅，對王旦、滋福殿。十一月，龍圖閣編成御集百二十卷，召輔臣對于滋福殿示之。

太平興國西京太極殿 垂拱殿 明德

殿 武德殿 開寶廣壽殿大宴

西京大內正殿。隋曰乾陽，唐曰乾元明堂，後改含元。梁曰朝元，後唐曰明堂，晉曰宣德，後復爲明堂。太平興國三年二月甲申改太極殿，又改太極後殿爲天興殿。通天乾元門爲太極門，車輅院門爲鑾和門，絳霄樓爲太清樓。垂拱殿，唐曰延英。太平興國三年改，又

改廣壽第二殿曰明德第三殿曰天和第四殿曰崇徽改寢殿曰太清第二殿曰思政第三殿曰延春改端明殿爲武德殿改金鑾第二殿曰壽昌第三殿曰玉華第四殿曰長壽第五殿曰甘露第六殿曰乾陽第七殿曰嘉興。

開寶九年四月六日西京南郊禮成大宴廣壽殿

在

禮門之西  
唐曰嘉慶

景德四年二月己巳次西京壬申宴從

臣于講武殿

唐曰文思  
院毬場

戊子詔大內明堂殿前三門

改爲太極殿門祥符四年三月丁亥召輔臣於講武殿後閣名花至金鑾殿召坐出再幸西京記示之

太宗神御殿曰帝華 西京宮室合九千九百九十

餘區

太平興國崇政殿 景福殿

內東門之北崇政殿舊曰簡賢講武興國八年四月

乙卯改長編乾德二年九月改殿東西邇英延義二

閣閣後隆儒殿崇政殿有柱廊次北景福殿試貢舉

人考官設次于兩廡雍熙二年後試進士咸平四年大

中祥符七年始建額即闕事之所也實錄云祥符七年

名後殿曰崇政殿名已久未嘗題榜至是建額

對學臣 咸平元年二月丙辰對戶部尚書張齊賢

於崇政殿之西閣天禧元年六月己丑召王旦對崇政殿凡數刻嘉祐七年八月丙子手札立皇子丁丑名學士王珪草詔戊寅珪對于崇政殿己卯下詔

宴羣臣

咸平五年正月宴侍讀侍講於崇政殿

一本

云講左氏春秋畢宴近臣于殿

景德三年四月五日幸崇文院觀

書宴從臣于崇政殿四年三月七日觀書太清樓又

至景福殿臨放生池八月壬寅宴從官于崇政殿祥

符三年九月丙子朔宴崇政殿帝作五言詩七年十

月宴輔臣宗室于崇政殿英聖六年曲宴百官寶元

二年十月以春秋正說講讀畢辛巳宴近臣慶曆二



年四月二十五日以說書徹章宴近臣六年十月十七日以講詩徹宴近臣賜花作樂皇祐元年觀三聖御容賜宴皆於崇政殿 說書置於景祐元年正月二十六日丁亥

對藩夷 開寶八年正月乙亥契丹使對于崇政殿通畧太平興國二年勃泥國王遣使來貢對于崇政

殿八年吐蕃戎人以各馬來貢召見其酋長於崇政殿淳化五年五月河西兵馬總管李繼隆擒夏州節度趙保忠至闕下見保忠於崇政殿帝詰責之咸平四年丹流眉遣使者來貢師子方物召見崇政殿景

德元年交趾郡王黎亘遣其子明提來貢對于崇政殿大中祥符二年三月于闐國王遣使貢良玉見於崇政殿四年名近臣館閣官於崇政殿觀占城貢師子九年大食蕃客人貢引對崇政殿天禧元年十一月高麗遣使與女真首領來貢對于崇政殿熙寧入年三月對大遼使于崇政殿

錄囚 端拱二年五月以旱御崇政殿錄囚淳化三年六月御崇政殿錄囚七月又錄囚五年正月四日又錄囚至道元年二月四月又錄囚咸平元年二月乙未四年二月六年十一月景德三年四月大中祥

符元年二年三年四年七年天禧元年五年乾興元年並御崇政殿錄囚天聖元年二年七年明道二年景祐三年四年康寧二年皇祐元年三月丁巳五年嘉祐二年八月庚申六年二月丙寅七年並於崇政殿錄囚治平元年四月熙寧九年並於崇政殿錄囚

觀樂 景德三年八月甲戌作新樂于崇政殿景祐二年觀新樂于崇政殿皇祐二年九月丁亥閱雅樂于崇政殿五年九月觀新樂於崇政殿

觀陣圖 咸平四年六月二十九日戊辰對輔臣於崇政殿觀陣圖時備北虜景德元年八月乙卯於案

政殿觀陣圖慶曆元年六月試楊備所陳龍虎八陣  
圖于崇政殿四年五月壬戌朔帝以西方用兵無功  
選用大臣講求利害御崇政殿名樞密副使韓琦參  
知政事范仲淹對琦等上四策熙寧三年五月詔以  
涇原路衙教陣隊於崇政殿引見乞頒行諸路依此  
教閱先是涇原路經畧使蔡挺於牙中建勤武堂肄  
諸將軍馬上以其點閱周悉常有出戰之備比他法  
爲詳故令行之

試進士

太宗六真宗十二

祥符七年景福殿  
試經明行修舉人仁宗

十二

天聖三年崇政殿名對  
宋郊等嘉祐八年不御殿

並試崇政殿

熙寧

以後並集英殿試

試制科 真宗四仁宗十英宗一神宗一並試崇政

殿 元祐三年試於集英殿

咸平元年二月己亥會權頤正講尚書于景福殿

正月講于廣福殿

志官後有崇政殿閣事之所也

大平興國文德殿

文明殿

後唐曰端明國初改文明太平興國九年五月丁丑

殿災七月壬子改今名卽正衙殿

一本云乾德三年八月文明殿成雖

熙元年七月改爲文德殿

志右

太祖時元朔亦御

此殿其後常陳入閣儀如大慶殿饗明堂恭謝天地

卽齊於殿之後閣熙寧以後月朔視朝御此殿殿庭  
東南隅有鼓樓其下漏室西南隅鍾鼓殿兩挾有東  
上西上閣門東西兩廊門曰左右嘉福南門曰長慶  
北門曰嘉肅東西門曰左右勤政淳化中張洎奏今

之文德殿卽唐之宣政在周爲中朝在漢爲前殿在  
唐爲正衙凡朔望起居大冊拜對四夷君長試制舉  
人皆在此明道元年八月壬戌修文德殿成熙寧  
四年八月高麗使金梯等見于文德殿

乾德三年冬至四年正月皆受朝賀于文德殿天  
聖二年十一月文德殿上皇太后尊號治平二年熙  
寧二年元祐二年崇寧二年發皇太后冊寶於文德

殿發中官賜寶亦於此殿

熙寧三年宋敏求言

本朝惟入閣乃御文德殿視朝

乾德四年文明殿入閣淳化二年文德殿

入閣三年咸平二年祥符三年皆御文德殿入閣

張洎謂文德殿正衙爲上閣非憲度也今旣

不用入閣儀欲約唐制宣政殿定朔望御文德殿儀

以備正衙視朝之制諸定儀注元豐四年五月十九

日御文德殿視朝太平興國五年正月庚寅改端

明殿學士爲文明殿學士以程羽爲之自李昉後不

復除

以殿命官緣麟趾之舊

文明學士位權副之下明道二年

置端明殿學士與文明之職並存而班差降

南史梁文德殿置學士省名高才碩學待詔

表峻

原书缺页



原书缺页

原书缺页

原书缺页

原书缺页

原书缺页

鳳閣玉宸安福殿遂射于太清樓下作賞花釣魚詩  
四年七月觀內苑穀遂宴于玉宸殿十月詔皇太子  
宗室近臣赴玉宸殿翠芳亭觀稻賜宴明道元年  
十月改玉宸殿曰化成殿四方貢珍果常貯此殿景  
祐四年五月御化成殿觀芝草帝作詩嘉祐三年三  
月丙子御化成殿觀角觝

祥符泰山天貺

祥符元年七月乙酉詔泰山靈液亭北天書再降之  
地建殿以天貺爲名先是六月丁酉六日臣欽若  
奏天書降于泰山十月壬子幸天貺殿十二月庚子

命學士楊億撰碑。

祥符穆清殿 崇聖殿 嘉瑞殿

祥符元年十月二十六日封禪禮畢宴百官卿監以

上于穆清殿又祥符元年封禪十月戊申上齋于穆

清殿又寶鼎縣行宮名曰奉祗前殿亦曰穆清 祥

符二年正月七日癸亥對宗室輔臣于後苑便殿賜

衣帶噐幣遂宴于崇聖殿以封禪慶成故也崇聖殿

後改爲嘉瑞殿以後苑產雙蓮故也政和三年六月

二十三日殿前池內復生雙蓮 延福宮穆清靈顧

性智二殿靈顧奉真宗聖容

祥符仙儀殿 靈輝殿

祥符元年東封十月辛丑次鄆州壬寅朱翌言玉册

玉牒十四日至翔鑾驛有光照室十一月戊子朔以

鄆州奉安天書殿爲仙儀殿 王曾撰記 翔鑾驛奉安

册牒行殿爲靈輝殿十二月庚子命知制誥李維揆

碑 志瑞應也 天禧四年二月癸未朔名滑州福寧

院奉安御製碑殿曰乾文至和元年華州雲臺觀建

集真殿嘉祐六年十一月戊辰以汴口新修靈津廟

碑殿爲崇訓殿 廟有真宗御製  
汴水發願碑

祥符澶州延禧殿 揚州神武殿 章武



殿

祥符元年十一月十四日壬申次澶州宴從臣父老

于駐蹕延禧殿

結綵爲殿于行官之南賜各焉

建隆元年十一月

丁未親征李重進至揚州二年正月詔以行官爲建

隆觀祥符五年

一云景德中

建殿景祐四年別建殿名章

武皇祐二年五月庚寅改名神武

景德二年八月癸巳命中使奉安大

祖聖容於揚州建隆寺寺有御榻其後建殿殿奉景祐四年六月甲戌奉太祖御容于揚州建隆寺更命

新殿

祥符金華殿

祥符中常宴輔臣于金華殿三年閏二月二十七

日丁丑

御水心殿垂釣遂宴於金華殿五年五月戊

子以金華殿所種麥以示輔臣

祥符宜聖殿

祥符三年閏二月二十七日

丁丑 詔輔臣至宜聖殿

奉祖宗

拜太宗聖容上作賞景觀花五言詩

又作于葉紫杜

丹七言詩以賜苑花木皆太宗所植

小

天禧三年四月二日宴宜聖

殿 眞宗御集有宜聖殿四園歌詩三卷

祥符宣德述古殿 先猷繼文殿

祥符五年十二月十四日詔近臣至龍圖閣觀新修

宣德述古二殿帝作七言詩

二殿在龍圖閣西序

八年四月

卯詔王清昭應官太宗御書殿名先猷御製御書殿  
名繼文天禧二年正月壬寅奉安太宗文集于先猷  
翌日奉安御集于繼文政和四年八月改樞密直學  
士爲述古殿直學士地理志龍圖閣下有資政崇  
和宣德述古四殿

祥符南京歸德殿

祥符七年正月二十九日丙辰詔升應天府爲南京  
藝祖肇基之地卽衙城爲大內正殿以歸德爲名雖降圖營  
建而實未嘗行

祥符承明殿 景祐延和殿

端明殿

延和殿在景福殿南祥符七年建十月戊午賜名承

明章獻垂簾叅決朝政于此明道元年十月甲辰改

明良尋改端明景祐元年一云明道二年十二月甲寅改延和殿

西北迎陽門門內後苑有太清樓祥符八年注輦

國來貢見承明殿天禧元年六月辛巳召章頻對承

明殿翌日爲監察御史二年二月壬午對右正言劉

曄魯宗道于承明殿凡八刻五年正月癸巳對輔臣

于承明殿巳亥宴近臣于承明殿二月丙辰詔近臣

觀羣玉藻珠殿上梁宴承明殿三月庚辰對輔臣于

承明殿丙戌又對天聖九年四月乙巳承明殿閱大

西曆十六年  
監生胡日東判

崇明道元年十月甲辰改承明殿為端明二年八月

丁巳置端明殿學士在資政殿學士之下以宋綬為

之詔曰獎擢名儒式負顧問政和四年八月三日改

為延康殿學士中興復舊後唐置端明殿學士

獮國中改為文明程慶曆三年三月御延和殿閱武

騎皇祐五年延和殿觀指南車嘉祐三年三月戊寅

延和殿觀習軍陣治平四年十二月延和殿試武藝

元祐二年延和殿觀新樂真宗以盛度兼端明殿

學士召對承明殿西廡問以邊計退而條十事上之

仁宗於延和殿試宗室子弟書令宗正第高下宗望

為第一

**志**崇政殿西南有殿北向曰承明便坐殿

也

祥符延慶殿

見下

祥符流杯殿

祥符九年二月二十七日詔近臣觀翔鸞閣御書移  
幸流杯殿泛觴 志云建流杯殿於後苑

天禧安福殿

天禧二年十月十一日庚子賜宴安福殿三年三月

十三日曲宴後苑御安福殿

後苑有宣明殿安福殿

志官中

有延慶安福集聖清景慶雲玉京等殿清淨堂萬春

閣

天禧清景殿

天禧三年九月二十三日詔宗室輔臣學士以下對  
于清景殿出賜太子御製及國史實錄太宗御集四  
部書示從臣遂宴于殿內 清景殿書事詩見御製類

天禧羣玉藥珠殿

天章閣天禧五年三月建以奉真宗御集御書閣東

西序羣玉藥珠二殿

一云天禧五年二月修天章閣  
畢四月十六日召近臣律閣官

觀御集御書遂宴于羣玉殿又天禧五年二月丙辰  
詔近臣觀羣玉藥珠殿上梁二十八日癸酉近臣宴  
羣玉殿

天聖八年八月六日丁亥天章閣觀御書元

真殿觀瑞穀。賜宴藥珠殿。嘉祐七年十二月二十三日。觀三聖御書。御製詩。遂宴羣玉殿。二十七日甲申。召閣觀三朝瑞物。復召羣玉殿。訪世務。三年九月丙辰夜。元為立音嘗召對羣玉殿。訪世務。三年九月丙辰夜。召學士王珪至藥珠殿。賜坐。翌日賜盤龍金盆一。

天聖清輝殿 元真殿

天聖八年三月十九日。後苑賞花釣魚觀。唐明皇山

水字石於清輝殿。因命從官皆賦歌。遂宴太清樓。

字石自永興軍葦至起清輝殿以安之。

是日從臣應制。令中書第所賦

優劣。八月丁亥。元真殿觀瑞穀。嘉祐七年八月甲辰。



皇子入對于清居殿

明道紫宸殿 崇德殿

舊名崇德殿在宣祐門西明道元年十月甲辰改紫

宸

後周顯德六年十二月改萬歲殿爲紫宸即視朝之前殿每誕節稱觴

及朔望御此殿

東西上閣門司在殿前南廊

開寶八年三月契

丹遣使來聘召見崇德殿晉王及百官以契丹通好

詣崇德殿賀太平興國二年對契丹使於崇德殿是

年五月十二月又宴契丹使於崇德殿景德二年十

一月契丹使來賀對于崇德殿大中祥符二年十二

月宴契丹使於崇德殿五年交趾郡王李公蘊遣使

來貢對牛崇德殿六年西用藩進都奉部領龍光進  
以下來貢方物名馬入見崇德殿七年交趾李公蘊  
敗鶴拓鸞遣使貢馬獻捷名見崇德殿十二月高麗  
國王詢遣使尹證及女真將軍太干機已下凡七十  
八人以方物來貢見于崇德殿慶曆二年契丹使劉  
六符來議關南事見于紫宸殿十月見契丹使于紫  
宸殿五年二月契丹遣使來獻征西夏所獲見于紫  
宸殿十月丁巳宴契丹使于紫宸殿皇祐元年二月  
四月至和二年九月十二月嘉祐元年二月並宴契  
丹使于紫宸殿 開寶四年五月宴近臣于崇德殿

咸平二年八月宴羣臣於崇德殿始作樂景德元年  
十月二年正月宴羣臣四年三月大宴十月宴羣臣  
並於崇德殿祥符五年九月七日宴崇德殿西苑門  
天聖二年八月丙辰朔以初聽樂燕百官于崇德殿  
明道二年十一月宴近臣于紫宸殿慶曆五年十一  
月丁亥宴宗室于紫宸殿皇祐五年六月七日御紫  
宸殿奏大安樂熙寧二年五月六日宴宰臣百官宗  
室于紫宸殿 雍熙二年十月御崇德殿引問御史  
臺開封禁囚疎決之謂宰臣曰朕錄囚徒殊不覺勞  
古人治郡邑或致飛蝗避境虎渡江况人君能惠養

黎庶伸治寃滯豈不感名和氣乎宋琪等對曰陛下  
勤政治蒼生之幸也 開寶八年平李煜淳化五年

平李順至道元年敗契丹二年敗李繼遷咸平二年

敗契丹並宰相率百官詣紫宸殿賀

淳化中張洎奏  
今之崇德殿即

唐紫宸在周爲內朝在漢爲宣室在唐  
稱上閣亦曰內衙卽後日常朝之所

乾德四年

七月長春節羣臣上壽于崇德殿太宗興國二年十

月乾明節崇德殿上壽天聖元年長寧節崇德殿上

壽景祐元年四月乾元節羣臣上壽紫宸殿

慶曆

七年八月戊子改寶明殿學士爲紫宸殿學士

用宋  
庠議

也文明真宗諡故  
改之以千度爲之

天聖九年九月乙巳改紫宸殿學士爲

觀文殿學士 紀乾德立年九月辛丑改廣德殿爲

崇德殿 志太安殿北有崇德殿視朝之前殿也

明道垂拱殿 長春殿 勤政殿

紫宸

崇德

殿西垂拱殿門其東北角門通紫宸殿每日

權密使以下立班殿庭僕傳宣不坐卽赴垂拱殿起

居垂拱殿舊曰長春明道元年十月改勤政十一月

改垂拱

實錄云明道元年十月甲辰改長春殿曰垂拱殿

卽常日視朝之所

節度使契丹使辭見亦宴此殿 乾德三年九月宴

近臣於長春殿開寶二年宴錢惟濬宴曹彬八年宴

契丹使九年宴錢俶太平興國三年宴錢俶四年正

月乙未宴潘美親授方畧六年宴親王宰相雍熙三年  
年餞曹彬四年餞潘美淳化四年十一月丁卯宴曹  
彬至道二年餞李繼隆咸平二年宴傅潛周瑩三年  
餞向敏中五年餞王超周瑩景德二年宴契丹使四  
年五月戊戌宴吳元晟丙午對古城使皆於長春殿  
祥符元年至天禧三年宴長春殿凡十有七 慶曆  
四年四日契丹使見於垂拱殿皇祐二年宴契丹使  
四年宴狄青熙寧二年宴公亮九年宴郭達元豐五  
年以國史成宴七年宴文彥博皆於垂拱殿

明道集英殿 慶政殿 開寶大明殿

淳化含光殿 祥符會慶殿 元和殿

需雲殿

集英殿舊曰元德亦曰廣政

晉天福二年改元德爲廣政

開寶三

年改大明淳化元年二月巳酉改含光祥符八年六

月十五日甲子改會慶明道元年十月甲辰改元和

尋改今名春秋誕聖節錫宴此殿熙寧以後親策進

士于此殿殿後有需雲殿

舊曰玉華後改瓊英熙寧初改今名

東有

紫雲樓官中觀宴之所也 大祖大宴廣政殿者七

宴大明殿者九建隆元年長春節上壽廣政殿長春

節宴廣政殿者七宴大明殿者十

又廣政殿宴近大臣者二十二

宗大宴大明殿者十三宴含光殿者七乾明節宴大明殿者十七真宗大宴含光殿者二十七大宴會慶殿者一又宴大明殿者七承天節宴含光殿者十七仁宗大宴會慶殿者十七宴集英殿者三十八 乾德四年冬至御大明殿羣臣上壽始用雅樂天聖五年正月壬寅朔九年正月丙辰上率百官赴會慶殿上皇太后壽熙寧三年三月八日上御集英殿試進士 建隆三年三佛齊遣使來貢對廣政殿祥符二年八月西南夷來貢令赴含光殿宴 志崇政殿西有長春殿又次西有滋福又次西有會慶宴殿也



明道福寧殿 萬歲殿 寶慈殿 景祐

柔儀殿 崇徽殿

福寧殿在垂拱殿後國初曰萬歲祥符七年十月戊  
午改延慶

一本作延福

明道元年十月甲辰改福寧殿卽

正寢後柔儀殿國初但名萬歲後殿章獻后居之名

崇徽明道元年十月甲辰改寶慈景祐二年改柔儀

祥符五年十月二十六日庚申以聖祖降臨宴宗

室于萬歲殿七年九月庚寅詔輔臣宗室觀萬歲殿

上梁天禧二年正月出崇徽殿芝草圖明道二年八

月辛丑以慈孝寺莊獻后神御爲彰德殿景靈宮莊

懿后神御爲廣孝殿 志初延慶殿北有殿無名章  
獻太后居之乃曰崇徽

明道肅儀殿

明道二年十一月丁丑以集聖殿爲肅儀殿

初日真游在禁

十二月甲寅改正陽門曰宣德門天安殿曰大慶

增明殿曰延和

慶曆八年改肅儀殿曰觀文

景祐西涼殿

西涼殿在天章閣東景祐二年三月辛丑重修 真

宗御集有西涼殿水殿歌詩一卷 又有慶雲殿玉

京殿宣明殿

景祐慈德殿 觀稼殿

景祐元年初名保慶殿章惠太后居之四年改慈德

景祐二年五月癸巳後苑作觀稼殿成

志作親稼殿

慶曆嘉德建康殿

寶文閣舊曰壽昌慶曆初改今名閣東西序嘉德延

康二殿

前有景輝門

殿間以桃花文右爲流杯之所 政

和中置延康殿學士

慶曆寶奎殿

見御書類

大相國寺

慶曆仁濟殿

原书缺页

原书缺页

游殿西門曰延真其東真君殿曰積慶萬歲殿曰延慶東西門曰左右昭慶後殿曰崇政北向殿曰承明後苑東門曰宣和

### 皇祐隆儒殿

皇祐三年十月作隆儒殿初詔丁度等撰邇英閣後小殿名乙酉度等請名隆儒詢猷清燕詔以隆儒爲名治平元年十月辛丑直秘閣周孟陽引對延和殿久之自是數召見訪時事最後至隆儒殿在邇英閣後苑中羣臣未嘗至也

### 皇祐寶歧殿

見觀稼類

皇祐滁州端命殿 并州統平殿 澶州

武信殿

皇祐五年三月仁宗宣諭曰恭惟太祖擒皇甫暉於  
滁州是受命之端也。太宗平劉繼元於并州是太平  
之統也。甲子乃詔滁州因舊寺建殿命曰端命。命宰  
相龐籍奉安太祖御容。并州因崇聖寺命殿曰統平。  
命樞密使王貽永奉安太宗御容。太宗御容以四月  
二十七日奉安帝  
聞之曰太宗以是月日至城下有此符合。又曰恭  
寺本行宮賜名平晉大中祥符二年改今名。  
惟真宗禦契丹於澶州是偃武之信也。宜即澶州舊

寺建殿名曰武信命樞密高若訥奉安真宗御容

云皇祐間滁州通判殿中丞王靖言太祖皇帝擒

甫暉于滁州太宗下劉濬元于并州真宗禦契丹

澶州皆宜立廟以昭遺烈於是歲芳林園命工剖

三聖御容臨赴逐州皇祐五年三月十四日甲子

太祖御容赴滁州奉安于大慶觀端命殿太宗御容

赴并州奉安于資聖禪院統平殿真宗御容赴澶州

奉安于開福禪院武信殿司馬光云分建原廟圖

績聖容躬題扁榜嚴奉之禮備畫恭勤羽衛供張率

嘉祐凝機殿

嘉祐七年三月乙亥作凝機殿于禁中欲備思清開

英敷席圖講藝也凝六年二月辛酉奉安明德章

機被宇資味道也

穆后御容於普安院之重徽殿壬戌酌獻

萬曆丁亥年 監生程應舉刊



太宗立宣明殿真宗立嘉瑞殿仁宗有化成殿神宗  
立睿思殿又即其右建春閣哲宗即睿思之後爲  
宣和殿

治平欽明殿

天和殿

清居殿

洪範屏

舊曰天和

崇徽殿北有殿曰天和

明道元年十月甲辰改觀文

後改曰清居治平三年六月改今名其西睿思殿

治平三年六月二十九日

壬子

改清居殿曰欽明命

直龍圖閣王廣淵書洪範一篇於屏時帝謂廣淵曰  
先帝臨御天下四十年天下承平得以無爲朕方屬  
多事豈敢自逸故改此殿名因訪廣淵先儒論洪範

得失廣淵對以張景所得最深以景論七篇進翌日  
召對延和殿帝曰景所說過先儒遠矣以三德爲御  
臣之柄尤爲善論朕接臣下常謙柔聽納之間則自  
以剛斷此屏置之坐右豈特無逸之戒也賜廣淵御  
紙筆墨黃金天和殿御覽見前嘉祐七年英宗  
爲皇子八月丙辰見于清居殿治平三年五月王師  
約名見清居殿論以無廢學

熙寧端誠殿 熙成殿

見郊祀類 南郊殿宇

熙寧睿思殿 延春閣

宣和殿

熙寧八年造睿思殿在欽明殿西睿思之右建延春閣哲宗以睿思

殿先帝所建不敢燕處乃即睿思殿之後為宣和殿

紹聖二年四月二日丁卯宣和殿成徽宗晝日不居

寢殿以睿思為講禮進膳之所就宣和燕息大觀二

年再葺徽宗為記書之石重和元年改元宣和乃更

為保和殿宣和二宣和之後殿重和元年所勑也政和

五年四月置宣和殿學又元豐元年造承極殿并

土宣和元年改保和亭二小石池一七年童子朱天申對於睿思殿誦十

經通十月十四日賜五經出身

紹聖思文殿

見籍田

政和右文殿

政和五年四月十日詔秘書省殿以右文殿爲名改集賢殿修撰爲右文殿修撰紹興十四年五月御書殿榜殿五楹

天興殿

見景靈宮奉聖祖

慶基殿

乾德二年五月建奉先資福院于安陵舊

域奉宣祖昭憲后像設景祐二年二月戊寅御書

宣祖神御殿榜爲慶基

開先殿

天聖八年三月建太祖神御殿于太平興

國寺之後十月成壬辰奉安九年二月癸未命晏  
殊爲碑慶曆六年八月重修乙亥飛白書榜

永隆殿

啓聖院乃睿宗毓聖之地至道二年八月

以法堂爲殿奉聖睿咸平二年九月甲午殿成奉

安天聖八年九月名曰永隆至和二年七月重修

奉真殿

景靈宮實舊晉邸真宗誕生之地天聖元

年三月修奉真殿奉真宗聖像二年三月丁酉奉

安

二月庚辰命王  
欽若爲禮儀使

崇真殿

慈孝寺天聖四年閏五月建殿飛白書額

五年十月癸酉奉安真宗御容

初二年十二月以  
吳元扈宅爲寺

章獻后殿

曰章德

延聖殿

萬壽觀至和二年正月丁卯奉安真宗金

像于殿

永宗殿

嘉祐六年十一月崇先觀成建是殿以奉

真宗御容七年八月奉安

孝嚴殿

治平元年建於景靈宮之西南奉仁宗神

御圖大臣于壁別殿曰寧真十二月召輔臣觀御

篆榜于迎陽門二年四月殿成丙午奉安

英德殿

奉仁英二宗神御治平未建于景靈宮元

豐中詔有司神御在京者寓於佛祠皆遷禁中繇

英德已上五世合爲一宮凡十一殿以世次別

福聖殿

明道中奉真宗御容

廣愛殿

萬壽觀景祐四年三月乙亥莊惠后真容

殿爲廣愛已卯奉安庚辰酌獻

燕寧殿

延福宮元豐五年建以奉仁皇慈聖御容

集禧殿

昭應宮祥符七年十一月四日宴近臣

明福殿

景靈宮齋殿治平元年九月改爲迎釐

奉神殿

集禧觀皇祐五年六月丙戌新修殿成名

曰奉神

取真宗奉神述也

景寧殿

內中神御殿治平三年正月名曰景寧

積慶殿

真澣殿真君殿祥符七年十月戊午名曰

積慶

在禁中

集慶殿西門曰延真其東有積慶

殿前有感真閣

神藻殿

見集禧觀熙寧三年閏十一月二十三日

詔奉真宗御容

紹興復古殿

高宗作復古殿損齋所常御也

紹興慈寧殿

紹興九年正月二十二日修太后殿十一月八日上

親書慈寧之殿

東朝置衛遠存長樂之鴻名中禁承廟近著寶慈之茂實

十二年



五月丙午增築

慶元元年正月二十五日御書壽

康宮壽康之殿七字

並臣御名恭書四字

先是紹熙五年十月三日改泰安日壽康

### 紹興崇政垂拱殿

紹興十二年十一月庚子

時

命內侍王晉錫作崇

政垂拱二殿

移諸司屋宇共一百四十七間

時言者請復朔日視朝

之禮而行宮止一殿故改作焉

以杭州州治為行宮

崇政以故

射殿為之朔望則權置帳門以為文德紫宸殿按射

則以為選德策士則以為集英垂拱以故內諸司地

為之在皇城司北二十八年九月甲子重修朝射垂

拱三殿成

崇政垂拱二殿其修廣僅如大郡之設

廳淳熙再修亦循其舊每殿爲屋五間十二架修六丈廣八丈四尺殿南簷屋三間修一丈五尺廣亦如之兩朶殿各二間東西廊各二十間南廊九間其中爲殿門三間六架修三丈廣四丈六尺殿後擁舍七間孝宗因以爲延和殿蓋卑宮室之意寢殿仍舊謂之福寧苑中亭殿名稱可見者僅有復古殿損齋觀堂芙蓉閣翠寒堂清華閣羅木堂隱岫澄碧倚桂隱秀碧琳堂之類

紹興四年八月壬寅知臨安府梁汝嘉奏明堂行禮殿成九月辛酉祀明堂

紹興穆清殿

見皇后冊禮 東京延福宮有是殿

紹興欽先孝思殿

內中神御殿東都有之紹興十五年秋始創于崇政殿之東凡朔望節序生辰酌獻行香用家人禮

紹興純福殿

紹興二十六年六月丁亥作皇帝本命殿于萬壽觀依在京以純福爲名

隆興康壽殿

見御詩類 德壽宮太上皇帝曰德壽殿太上皇后

曰康壽殿

淳熙選德殿 又見屏幃類

孝宗皇帝初便殿於禁垣之東名曰選德

乾道初作是殿一云

淳熙初作射殿謂之選德當考規摹機壯為陛一級中設漆屏書郡

國守相名氏羣臣有圖方略來上可采者樓之壁以

備觀覽或云文武講論治道詢求民隱至於中外奏

報皆厚國幾務皆於此講決暇則袖繡繡經傳或親御

弧矢雖大寒暑不廢因命周必大為之記略云勝負

之爭而揖遜之實勇力之尚而仁義之貴閑都安於

真積習慣同於自然可以興賢能可變勸衆庶合其

民於已判同文武之具，雖將於早乎在殿，不並乎射也。而詆名焉，射不專於跪表也，而尚德功在不舍。沈潛剛克，時乃天道。淳熙戊申六月十四日，進呈於倚棧殿。九月五日，令石蓋留禁中八十年，往往黏置屏間。十月五日，召必大至選德殿訓諭，欲以御書寵賜白居易七德舞七德歌一軸。

乾道元年五月三日，詔執政每日暮召入東華門，請選德殿奏事。上欲從容論治故也。三年正月丙寅，洪邁對是殿論古今治亂及祖宗以仁守天下紀綱法度。

後世有以持循者且謂邁曰此殿朕卽位後所作也

命名之昔雖取選射觀德之義

周有射朝唐有觀德殿

然退朝

之餘嚴號施令圖事揆策無不在是取尚書通鑑攷  
攷讀之法其興戒其壞口誦心惟未嘗一日去手近

侍外臣晝接夕訪大廷廉陛之儀一切畧去紬釋政

理從容問荅頗有漢宣室唐浴殿遺意至於騶虞時

會抗志決拾以弛張文武之道特其一事耳因命邁

爲之記二月庚午撰記曰成天下之事莫大於至勤

洞天下之理莫太於至明陛下天縱之聖經之以至

勤緯之以至明公卿已下務外朝之觀延美之對金

垂之講而又朝斯夕斯舜好問察言禹之情寸陰文  
 王之中吳不皇食皆已匹休仇美然自強不息願陛  
 下以今日之心為心云云 記凡九百四字五年十一月五日  
 選德殿出用人論示宰相俊卿等七年二月七日御  
 選德殿宣示立皇太子御札宰臣尤文再拜賀淳熙  
 四年九月選德殿觀擊毬

淳熙延和殿

淳熙八年秋改後殿擁舍為別殿取舊名謂之延和  
 至今因之 孝宗作敬天之圖闡延和之殿躬講讀  
 之勤設遺補之官 淳熙六年六月後殿上梁文云

聽朝決事兼汴都延和崇政之名論道談經殆炎漢  
虎觀金華之比

紹興中禁中營祥曦福寧等殿苑中有澄碧觀堂凌

虛閣等

福寧殿側  
有消暑樓

澄碧殿

淳熙四年九月丙辰宜召侍讀史浩錫宴澄碧殿抵  
莫送以金蓮燭宿玉堂直廬上命作詩敘此會浩進  
古詩三十韻上御製俯同其韻 二年五月辛卯宴  
輔臣澄碧

寶慶慈明殿



恭聖楊太后

紹定緝熙殿

紹定五年十一月二十七日御製敬天命法祖宗事親齊家而下凡四十八條御札十軸詔講讀說書官撰箴辭明年六月甲午緝熙殿成御書緝熙二字榜之親爲記文以所製箴辭親洒宸翰列殿上備覽觀便殿名膺福

歷代殿名

六國

甘泉秦

溫明趙

前漢

昭陽 明光 清涼 宣明 神仙 長年

金華 白虎 麒麟 合歡 會城 安處

常寧 椒風 坡香 蘭林 蕙草 曹參

三雲 雲光 天梁 溫調 昆德 長樂

林光 鳳凰 鸚鵡 鳴鸞 宣室 含德

承明 臨華 倚蘭 蕙圃 飛羽 飛翔

銅柱 延休 靈光 光明 大夏 獲福

長秋 臯門 廣陽 永寧 永壽 朱雀

朱鳥 飛雨 飛雲 鴛鴦 漸臺 永延

三才卷一百一十一  
四  
二百十一  
鈞臺 蕭何 韓信 椒房 宣德 通光

高明

後漢

崇德 德陽 含德 天德 宣明 溫飾

迎春 壽安 永寧 雲臺 和歡 安福

嘉德 章臺 章德 宣室 建章 甘泉

萬歲 溫德 溫明 玉堂 承福 陽安

宣德 華光 蔬圃 黃龍 文昌 銅馬

敬法 崇光 雲氣

前魏

大昌

溫房

無害

永亨

安昌

臨

百子

承光

永始

嘉福

九華

式

芙蓉

大德

建始

景福

昭陽

九龍

西

含章

崇賢

太極

顯陽

文明

徽音

明元

仁壽

式乾

暉章

建始

言思

百福

章華

嘉福

宣光

修明

嘉樂

芙蓉

章陽

清暑

芳德

靈雲

承光

永寧

景福

延休

九華

百子

虞泉

青冥

安昌

靈圃

陽春

百兒

後魏

光明

宣光

嘉福

建始

九龍

永寧

光極

景陽

清暑

清涼

太華

神德

式乾

顯陽

明光

萬壽

乾安

文昌

天文

下月

天華

崇極

昭陽

永安

樂

廣德

太和

安昌

永樂

遊觀

六合

靈泉

引家

厚義

鑒玄

經武

七

八

九

十

十一

十二

正武

大武

大武

大武

大武

會義  
含仁  
雲和  
思齊  
太極  
天德  
麟趾

隋

乾陽  
光福  
儀鸞  
武成  
仁風  
紫微  
文成  
武安  
大業  
永安  
徽猷  
大儀  
桂華  
弘徽  
流盃  
觀文  
安福  
合歡  
翠華  
臨華  
光璧  
香風  
凝華  
澄華  
紫鱗  
含涼  
仁智  
澄光  
瑤光  
凝芳  
巢鸞  
成務  
大順  
文華  
景華  
和春  
顯仁  
明德  
大寶  
仁壽  
大興  
修文

舍景

清暑

翔螭

殿水浮景

殿木

成象

凝暉

崇德

觀風

殿行

允武

臨汾

殿行

圓基

結綺

飛宇

漏景

臨光

觀德

文思

武德

瑤泉

臨芳

唐

大興

太極

承乾

翠微

含元

紫宸

宣政

麟德

大明

延英

玉華

輝和

交泰

大同

長生

昭慶

章德

承暉

永安

寶慶

昇陽

兩儀

甘露

百福

亦見陳後主集

雍和

貞觀

保寧

文思

端宸

神龍

含涼 武德 拾翠 會寧 光泰 麗正

延喜 承香 承慶 立正 安人 淑景

咸池 凝陰 弘文 觀德 景福 蓬萊

珠鏡 還周 承歡 金鸞 長安 仙居

大福 二清 紫蘭 大角 武成 莊敬

徽猷 大儀 流杯 集仙 澄華 安福

仁智 瑤光 儀鸞 同心 明德 崇教

光大 承恩 崇文 觀風 麟趾 含風

安喜 乾元

貞元

五代



崇元 玄德 金祥 萬歲 興安 宣威

廣政 明德 滋德 文明 貞觀 乾福

含元 朝元 崇勳 中興 端明 武德

視政 文思 崇德 天清 長春 天福

嘉慶 保昌 絳霄 永福 太極

三十六國

明光 謙光 溫光 徽光 宣光 承光

紫光 光世 光極 鷄儀 建始 建德

未央 大武 顯陽 東陽 正陽 暉華

承華 九華 文昌 新昌 延明 甘露

太極 含章 崇賢 顯武 靈臺九 宜陽青

朱陽赤 岐德白 玄武黑

六朝

昭德 嘉德 文德 武德 溫德 壽安

壽光 壽昌 永壽 善壽 乾明 式乾

有覺 真筌 慧輪 平等 无身 靜居

宴居 夕宴陳 太極 含章 玉燭 璇璣

璇明 曜靈 休章 清曜 青雲 寶雲

臨雲 重雲 延豫 延昌 延豫 延賢

求賢 延華 昭陽 明陽 正陽 徽音

麗輝

陳

鎮聲

正福

百福

光政

崇政

聽政

臨政

聽訟

五明

清署

清景

興光

華光

林光

鳳光

重光

元光

陳

光嚴

光昭

文思

文熙

溫文

龍典

神龍

元龍

赤烏

朱雀

鴛鴦

臨海

臨芳

陳

披香

合歡

金華

長日

長春

麗日

太昌

太宰

靈和

至敬

樂受

騰辨

永貞

三善

正麗

蘭林

嘉禾

行軍

文熙

陳

光壁

陳

北齊

昭陽 顯陽 宣光 建始 嘉福 仁壽

金華 乾象 宣德 太極 崇德 九龍

大明 修文 偃武 玳瑁 紫微 含光

梁風 太武

道經

叢霄 紫虛 陽寥 天華 玉晨

旅楹間立浮柱，駢羅華礎生雲堦。題耀月，陳臬置  
圭、楡材飭匠。帝王握樞御極，省閱萬微，必有覩嚴  
宏達之宇，以宅心儲神。玩意昭曠，相羊於蛸淵。燮

濩之中、絕塵去粉、真粹之地、清寧平夷、因以疏觀博照、獨運於陶鈞之上、

避暑九成而忘其親生、涼殿閣而忘其民賢、君所當戒也、春秋重民力、謹土功、新一廢築一臺必書之、示人君不可縱欲以病民也、卑宮神聖之本心、廣廈國家之彝制、

玉海卷第一百六十一

浚儀王應麟伯厚甫

官室

室

古者爲堂自半已前虛之謂堂半已後實之爲室  
堂者當也謂當正向陽之屋

堯堂

史記太史公曰墨者言堯舜堂高三尺土階三等茅  
茨不剪採椽不斷 論衡冀茨生於階下須臨堂察  
之乃知茨數

禮器疏天子之堂九尺此周法也 明堂位正義多  
士傳云天子堂廣九雉三分其廣以二爲內五分其  
內以一爲高東房西房北堂各三雉

孔子堂 講堂

書序魯共王升孔子堂聞金石絲竹之音 後漢紀

永平十五年三月幸孔子宅親御講堂說經 祭彤

傳永平中坐孔子講堂顧指子路室 云云 鮑永傳

孔子闕里無故荆自除從講堂至于里門 郡國志

王屋縣有孔子學堂 九域志鄆州古講堂孔子爲

中都宰於此堂教授兗州有孔子學堂雩臺 鄭元

別傳北海有儒林講堂

漢朝堂

西都賦左右庭中朝堂百僚之位蕭曹魏邴謀漢乎  
其上佐命則垂統輔翼則成化西京賦朝堂承東  
溫調延北考工記外有九室注如今朝堂諸曹治  
事處疏謂正朝之左右爲廬舍者後明帝紀永平  
十七年五月公卿百官以帝威德懷遠祥物顯應並  
集朝堂奉觴上壽後傳袁安爲太僕元和二年武  
威太守孟雲上書南部鈔掠宜還其生口詔百官議  
朝堂和帝卽位竇憲擊北匈奴安與宋山任隗及九



卿詣朝堂上書諫至免冠朝堂固爭者十上 朱暉

永平初東平王蒼聞而辟之正月朔旦蒼入賀坐朝

堂求璧不可得暉奉之 張酺爲太尉與司隸校尉

晏稱會於朝堂 鄧騭等永初中並奉朝請有大議

詣朝堂與公卿參謀 班勇爲軍司馬元初六年公

卿以爲宜棄西域鄧太后名勇詣朝堂會議 黃瓊

爭議朝堂莫能抗奪 竇武陳蕃共會朝堂 陳球

爲廷尉宦者欲別葬竇太后詔公卿大會朝堂令中

常侍監議 應劭爲車騎將軍掾中平二年漢陽賊

與羗胡爲寇詔百官大會朝堂皆從劭議 鮮卑熹

平六年秋寇邊召百官議朝堂議郎蔡邕議曰  
蔡邕獨斷赦令召三公詣朝堂受制書  
遣將出征授節鉞於朝堂晉令有朔望集公卿於朝  
堂

漢王堂

詳見楚章宮

列傳李尋對臣位卑術淺過隨衆賢待詔久汗玉堂  
之署注師古曰玉堂殿在未央宮 揚雄解詡幸得  
遭盛明之世歷金門上玉堂注晉灼曰黃圖有大王  
堂小玉堂殿 翼奉上疏孝文時未央宮無玉堂殿  
谷永對抑損椒房玉堂之盛寵注椒房皇后所居

玉堂燹幸之舍

史記玉堂璧門正義漢武帝故事

云玉堂內殿十二門階陛咸以玉爲之門門三層臺

高十餘丈掾首構以璧爲之因名璧門 郊祀志建

章宮南有玉堂璧門

眺瑤堂

後靈帝紀中平三年

二月修玉堂殿

靈帝又造萬金堂

官志玉堂署長一人本

注官者主中官別處

翟酺傳上疏曰損玉堂之盛

尊天爵之重

官者傳使鈎盾令繕修南官玉堂又

鑄四鍾垂於玉堂及靈臺殿前

按靈紀已下云云則東都別有玉堂

西都賦金華王堂

西京賦宣室玉堂譬衆星之環

極

三輔黃圖未央宮有殿閣三十二椒房玉堂在

其中漢宮殿閣記云未央宮有玉堂宣室閣漢書曰  
建章宮南有玉堂璧門三層臺高三十丈玉堂內殿  
十二門階皆玉爲之又有玉堂神明堂二十六殿  
漢武故事玉堂去地二十丈橋公鼎銘延公入于  
玉堂前廷洛陽宮殿名南宮有玉堂前後殿

漢甲觀畫堂

成帝紀元帝太子宮甘露三年生甲觀畫堂

元后傳云甲館

黃圖曰宮殿中采畫之堂在北宮應劭曰在太子宮黃圖同

霍光傳止畫室

中不入注雕畫之室西都賦豐冠山之朱堂

西都賦左城右平注摯虞決疑要注曰太極乃有陛

堂則有階無陛平以文塼相亞次城爲陛級

西京

賦

云云

注城階齒也天子殿高九尺階九齒各有九

級其側階各中分左右左有齒右則滂施平之令輦車得上

漢延清堂

見殿類

漢始生堂

章紀元和三年二月癸酉還幸元氏祠光武顯宗於縣舍正堂明日又祠顯宗於始生堂皆奏樂詔復元

氏七年徭役

明帝建武四年光烈后從征彭寵生千  
歸山元氏傳舍永平十五年十月行幸

鄴常山三老言曰上生於元氏願蒙  
優復詔復元氏縣田租更賦六歲

### 漢黃堂

鄆州傳太守杜詩勅以丹事編黃堂以為後法注太  
守之聽事

### 漢承明堂

袁紹傳抽戈承明注山陽公載記曰紹等入端門遂  
於承明堂上格殺中常侍高望等二人

### 蜀漢爵堂

蜀都賦內則議殿爵堂虎義虎威宣化之闈崇禮之  
闈華闕雙邈重門洞開金鋪交映玉題相暉

魏鳴鶴堂

魏都賦注聽政殿後有鳴鶴堂椒梓坊木蘭坊文石室後宮所止。

魏東西堂

山謙之丹陽記太極殿周制路寢也秦漢曰前殿今稱太極曰前殿洛宮之號起自魏東西堂亦魏制於周小寢也皇后正殿曰顯陽東曰含章西曰徽音又洛宮之舊也含章名起後漢顯陽徽音亦起魏興地志洛陽有顯陽殿皇后正殿也魏明所建昭陽避諱改在太極之北鑄黃龍高四丈鳳凰二丈置殿前

殿

魏茅茨堂

水經注河南魏文帝茅茨堂前有茅茨碑是黃初中所立也

晉太極東堂 尚書都堂

晉制大會於太極殿小會於東堂 列傳山簡爲尚

書左僕射領吏部上疏曰武帝受禪泰始之初躬親萬機時黃門侍郎王恂庾純始於太極東堂聽政平尚書奏事多論刑獄 王渾奏先帝時正會後東堂

見征鎮長史司馬諸王國卿諸州別駕 郤詵遷雍州刺史武帝於東堂會送 摯虞舉賢良武帝詔諸賢



良方正直言會東堂策問

李密賜餞東堂

孝友

三子十六

成帝紀咸康六年七月乙卯初依中興故事翹望聽政於東堂

咸康二年四月甘露降尚書都

堂桃木

魏甘露元年二月丙辰宴羣臣於大極東堂 齊東堂校籍

### 晉宣猷堂

文選陸士衡

機

皇太子宴元圃宣猷堂詩

云云

注宣

猷堂名在園中

南朝亦有之齊東宮元圃園宣猷

堂梁宣猷堂宴餞中庶子謝嘏梁太子於東宮宣猷

堂開講

晉仁壽堂

晉宮閣名洛陽宮有則百堂螽斯堂休證堂延祿堂  
仁壽堂綏福堂含芳堂樂日椒華芳音顯成承光五  
福嘉寧堯母永光長壽堂

晉西堂

宋志晉咸康元年四月二年四月甘露降西堂一  
周顛傳帝燕羣公于西堂一巨冲傳冲將之鎮帝餞於  
西堂賜錢五十萬一宋晝蔡廣荅傳亮曰如今含章  
西堂足下在僕射下侍中在尚書下宋太子納妃

於太極殿西堂敘宴

晉樂賢堂

五行志成帝咸和六年正月丁巳會州郡秀孝於樂賢堂 蔡謨傳彭城王紘上言樂賢堂有先帝手畫佛像宜勅作頌帝下其議謨曰佛者夷狄之俗非經典之制遂寢 宜城王爲之頌 庾闡有樂賢堂頌

梁太子起樂賢堂使畫工先圖劉孝綽

晉積弩堂

初學記費北有積弩堂晉成帝作見宋永初山川古今記 梁吏肩吾詠疏圃堂

晉中堂

**穆紀**升平元年三月帝講孝經壬申親釋奠于中堂

**禮志**穆帝孝武權以中堂爲太學 **宋紀**泰始五

年三月丙寅幸中堂聽訟

晉延賢堂

**宋志**晉太元十九年正月華林園延賢堂西北李連  
理 宋永初元年十二月二年十月癸卯元嘉三年  
五月丙午臨延賢堂聽訟

宋閱武堂 梁儀賢堂

**紀**宋孝武帝即位十月癸未聽訟於閱武堂 齊永明

四年正月辛亥耕籍田甲寅幸闕武堂勞酒戊午幸

宣武堂講武

建元元年九月戊申幸宣武堂宴會詔

賦詩

梁天監六年九月乙亥改闕武堂爲德陽堂

聽訟堂爲儀賢堂

朱异於儀賢堂述老子義

太清元

年五月丁酉幸德陽堂宴羣臣

後魏清徽堂

觀德殿

流化渠

凝閑

堂

茅茨堂

皇信堂

宣極堂

光極

堂

後魏

孝文南征還洛引見王公侍臣於清徽堂帝

曰此堂成來未與王公行宴樂之禮今與諸賢欲無

高而不升無小而不入因之流化渠洗煩池帝曰此池有嘉魚任城王澄曰所謂魚在于藻有頒其首帝曰且言王在靈沼於物魚躍次之觀德殿帝曰射以觀德故以命之次之凝閑堂帝曰此堂取夫子閑居之義不可縱奢以忘儉自安以忘危故作堂後作茅茨堂謂李冲曰此東曰步元廡西曰游凱廡此座雖無堯舜之君卿當無愧元凱帝曰光景垂落朕同宗有載攷之義卿等將出何得默爾德音卽命黃門侍郎崔光郭祚通直郎邢巒崔休等賦詩見燭至公卿辭退冲再拜上千萬歲壽帝曰卿等以燭至致辭復

獻萬壽朕報卿以南山之詩乃日燭至辭退庶姓之  
禮在夜載攷宗族之義卿等且還朕與諸王宗室欲  
成此夜飲又詔延四廟之子下逮元孫之胄申宗宴  
於皇信堂令宗室賦詩又會百寮於宣極堂行飲至  
策勲之禮 紀太和十九年十二月甲子見羣臣光  
極堂

### 唐朝堂

儀衛志百官就班文武列于兩觀監察御史立於東  
西朝堂軌道以涖之平時傳點畢內門開監察御史  
領百官入夾階監門校尉執門籍曰唱籍序班于通

乾觀象門南入宣政門朝堂置左右引駕三衛六十人

禮志

元正冬至朝賀有司設羣官客使等次於

東西朝堂設門外位文官於東朝堂介儻公在西朝堂之前武官在介公之南少退每等異位重行皇帝加元服設門外位於東西朝堂如元旦皇太子加元服九品已上皆請東官朝堂餘公服集於重明門外朝堂冊天子有司設太子次于東朝堂之北西向

官志左諫議大夫垂拱二年鑄銅甌四列于朝堂內謁者監命婦下車則導至朝堂奏聞監察御史分日直朝堂入自側門非奏事不至殿庭正門無籍知朝



堂左右廂天授中詔側門置籍得至殿庭開元七年  
又詔隨仗入閭鴻臚卿凡獻物駝馬則陳于朝堂太  
府丞會賜及別敕六品以下賜者給於朝堂 實錄  
正觀元年五月癸丑敕中書令侍中於朝堂受訟二  
年八月甲戌幸朝堂親覽冤屈開元二年二月癸丑  
宴突厥使新羅王子八月辛巳引見河隴從軍壯士  
置酒享之十五年四月丙午王君奭凱旋置食宴之  
二十年五月丁卯召河北立功將士宴勞是歲二月二  
十二年九月辛巳宴朝集使二十四年二月甲寅宴  
新授縣令皆於朝堂至德二載九月丁亥廣平王東

請百寮拜送于朝堂

會要建中元年二月於朝堂

別置三司決庶獄辨爭者輒擊登聞鼓右司郎中裴

請上疏上命歸於有司大和四年三月三院御史入

朝堂前無止泊所請置祗候院長慶元年八月於中

書南置僕射祗候院

通典朝堂冊命諸臣設受冊

者次於東朝堂

魏謩拜太子太師請朝堂辭

六典注棲鳳閣下

即朝堂

舒元興御史臺新造中書院記御史府故事於中書

之南常有理所大和四年於政事堂直降之南遷地

以作之號中書南院院門北闕嚮朝廷也觀者命為

御史比臺

唐政事堂

百官志

兼樞宰

唐初二省長官議事於門下省之政

事堂高宗弘道元年十二月中戊裴炎自侍中遷中

書令乃徙政事堂于中書省會要神宗二年七月

神宗元年從恐非光宗元年朕從開元中張說為相會要

又改政事堂號中書門下政事印亦改為中書門

下之印列五房於後一曰吏房二曰樞機房三曰兵房

四曰戶房五曰禮刑房分曹以主衆務焉中書舍人

知制誥顯進畫給食政事堂五行志乾符六

授宰臣制百官班賀于政事堂 列傳裴炎改中書

令 永淳二年 舊例宰相議事于門下省號政事堂長

孫無忌以司空房元齡以僕射魏謩以太子大師皆

知門下省事至炎以中書令執政事筆故徙於中書

省 李靖二日一至中書門下平章事 崔元綜天

授初同平章事坐政事堂束帶終日不休偃 源乾

曜進位侍中議者言執政以同休戚不崇異無以責

功 會要開元 帝乃詔中書門下共食實戶三百 十一月二

十八 堂封自此始 齊澣有王佐才元宗時張說擇

丞轄以王丘爲左澣爲右李元紘杜進當國表宋璟

爲吏部尚書澣及蘇晉爲侍郎世謂臺選嘗奏事帝  
指政事堂曰非卿尚誰居者 李峴爲相故事政事

堂不接客自元載爲相中人傳詔者引升堂置榻待  
之峴至敕吏撤榻 苗晉卿年老乞問日入政事堂

李吉甫爲相初政事堂會食有巨牀相傳徒者宰

相輒罷不敢遷吉甫笑曰世俗禁忌何足疑邪徹而

新之

常袞爲相政事堂北門

一云後門

異時宰相過中

書舍入院咨訪政事至袞乃塞之

大曆十二年會要建中四年

以

示尊大將辭堂封它相不同方止

鄭餘慶爲相主

書滑渙指畫宰相前餘慶叱去

鄭珣瑜爲相王叔

文內交奄人攘撓政機章執誼爲宰相居外奉行叔  
文至中書直吏白宰相會食百官無見者執誼起就  
閣與叔文語瑜瑜曰吾可復居此乎歸臥家不出

鄭覃五日一入中書商量政事 杜佑憲宗詔三五

日一入中書平章政事 會要元和二年正月司徒平章事杜佑告老云云

裴度文宗詔進司徒平章重事三日一入中書 大和四年

六月 孔緯昭宗送至堂視事 會要至德二載三月

宰相分直政事堂之筆每一人知十日 謂十日一易 正元

十年五月八日又分每日一人執筆 先是九年七月

筆從陸贄之請也 總章二年諸宰相以政事堂供饌珍美議

減其料

張文瓘傳云同列以堂饌豐餘欲少損

東臺侍郎張文瓘曰此

食天子所以重機務待賢才也不可乃止

大曆十二年八月癸

卯常袞乞停賜饌建中三年正月宰臣請堂厨饌二分省一

開元元年十二月蘇

頲除中書侍郎仍令宰臣宣指移文政事院便供政

事食明日加知制誥

本傳云給食自頲始

天寶五載六月三日

敕三伏內令宰相辰時還宅大和元年四月宰臣對

罷名常侍諫議給事舍人起居補闕拾遺集于政事

堂宣旨有論奏並宜對元和八年十一月王子上

命丞相名太史韓愈至政事堂論以田弘正忠義令

撰先廟碑李華中書政事堂記云政事堂者自武

德以來常於門下省議事謂之政事堂故長孫無忌起復授司空房元齡授左僕射魏證授太子太師一作保皆知門下省事至高宗光宅元年裴炎自侍中除中書令執宰相筆乃遷政事堂於中書省記曰君不可枉道於天反道於地覆道於社稷無道於黎元此堂得以議之臣不可悖道於君逆道於人黷道於貨亂道於刑尅一方之命變王者之制此堂得以易之兵不可擅誅權不可擅施貨不可以擅蓄主澤不可以擅奪君恩不可以擅間私讎不可以擅報公爵可以擅私此堂得以誅之事不可以輕入重罪不可



以生入死法不可以剝害於人財不可以擅加於賦情不可委之以倖亂不可啓之於萌代紊不賞削紊不封知荒不救見饑不矜逆諫自賢違道變古此堂得以殺之故曰廟堂之上樽俎之前有兵有刑有梃有刃有斧鉞有醜毒有破家有覆族此堂得以行之故伊尹放太甲之不嗣周公逐管蔡之不義霍光去昌邑之亂梁公正廬陵之位君弱臣強之後宰相主生殺之柄天子掩九重之耳燮理化為權衡論道變為機務傾身禍敗不可勝數列國有傳青史有名幸為誠之無罪斯記李庾賦西則月華重啓銀臺內

中書在焉。密用宰相。杜甫詩：落筆中書堂。

唐號令堂

**地理志** 太原府晉陽縣有號令堂。高祖誓義師于此。西北十五里有講武臺飛閣。顯慶五年築。

唐西堂

**魏鄭公諫錄** 太宗坐於丹霄門外之西堂，引公及李靖、溫彥博等入宴，言羣臣才行。

唐東堂

**舊史** 開元十七年八月乙酉，尚書右丞相張說爲尚書左丞相，開府儀同三司兼吏部尚書宋璟爲尚書。

右丞相尚書左丞相源乾曜爲太子少傅。

**宋璟傳**

十七年爲尚書右丞相而張說爲左丞相源乾曜爲太子少傅同日拜有詔大官設饌太常奏樂會百官尚書省東堂帝賦三傑詩自寫以賜。

唐尚書省都堂

**通典**唐開元禮朝集使於尚書省禮見奉禮郎先布版位於尚書省都堂之前。舊尚書令有大廳當省之中今謂之都堂會

要正觀九年十一月二十九日敕冬薦官都堂訪以理術兼時務狀。正觀二十一年正月詔五品

已上於尚書都堂餞回紇等。

**舊紀**正元九年十一月

川甲辰制冬薦官宜令尚書丞郎於都堂訪以理衡  
論時務狀考其通否及歷任考課事迹定爲三等御  
史一人監試授官後殿最舉主元和三年四月己卯  
裴均於尚書省都堂上僕射

唐起義堂 宸辰台衛銘

地理志北都官城東有起義堂

又見晉陽官類

音訓起義

堂在乾陽門街元宗立碑仍書

理道要訣引元宗起義堂碑

舊

史開元十一年正月辛卯幸并州上親製起義堂頌

及書刻石紀功于南街改本州爲大原府

會要十一年正月二

十五日至并州張說日太原國家  
大業所起宜因行幸建碑繼德

文粹起義堂頌

或云一行撰  
或云張說

高祖龍躍晉水鳳翔太原開咸陽入天

門金石一變日月重華癸亥之歲春正月濟河橫汾  
緬慕本邦姬詠周源劉歌沛邑火旗炎炎雲鳥洋洋  
五星迂帝萬國謳唐威雅連戮老生摧斃山祇引軍  
河龍渡帝謂太宗表正封畧濤蕩颺掃霆馳雷爍  
於昭義堂誓衆資始 云云張說述聖頌曰開元十有  
一祀正月整兵耀武入于太原設都建頌以崇王業  
馬燧傳德宗初爲河東節度使朱泚反帝幸梁時  
天下方擾北邊數有警燧念晉陽王業所基宜固險  
以示敵乃引晉陽水架汾而屬之城及平李懷光還

太原帝賜宸扈台衡二銘

并序

以言君臣相成之美

勒石起義堂

西偏

帝榜其顏而寵之

會要云正元九年十月上以馬

德平汴宋魏博河中其功益高

賜宸扈台衡二銘 一云元年

### 唐考堂

舊紀建中元年十一月李西朔朝集使及貢士見宣  
政殿兵興以來四方州府不上計內外不朝會者二

十五年至此始復舊制

州府計吏至者一百七十三

柳冕傳冕

爲福建觀察使自以久疏乃上表乞代且推明朝

覲之意曰臣竊感江漢朝宗之誼鹿鳴君臣之宴夫

朝會禮之本也唐虞之制唐四朝以明黜陟商周

之盛五歲一見以考制度漢法三載上計以會課最  
有唐稽古天下朝集三考一見皆以十月上計京師  
十一月禮見會尚書省應考績事元日陳貢篚集於  
考堂唱其考第進賢以興善簡不肖以黜惡安史亂  
常始有不朝臣請率先德宗許之 李林甫傳天寶

八載張博濟爲戶部郎中部有考堂天下歲會計處

博濟廢爲廳事別取都水監地爲考堂

會要云以諸州籍帳錢造

考堂

一會要正觀三年房玄齡王珪掌內外官考權

紀奏其不平魏證奏曰萬紀比來掌在考堂當時初  
無駮正及身不得考乃始陳論上乃釋不問

唐綠野堂

裴度傳時闢墅擅威天子擁虛器擢紳道喪度不復  
有經濟意乃治第東都集賢里午橋作別墅具廡館  
涼臺號綠野堂激波其下度野服蕭散與白居易劉  
禹錫爲文章把酒窮晝夜相歡不問人間事

唐德星堂 德星社 復禮鄉 鳴珂里

一門六闕 三柱里

列傳崔鄴貝州武城人崔氏四世總麻同豐兄弟六  
人至三品邠鄴凡爲禮部五吏部再唐興無有也  
居光德里架便齋宣宗門兩歎曰鄴一門孝友可爲



士族法因題曰德星堂後京兆民卽其里爲德星社

崔邠上疏論裴延齡姦以鯁亮知名郾類六經要言十篇上敬宗治號以寬位鄂則嚴鄞節度劍南西川及淮南文宗

時俱文章徐岱蘇州嘉興人大曆中爲校書郎

觀祭使李栖筠欽其賢立所居爲復禮鄉名達于朝

張嘉祐蒲州猗氏人兄嘉正爲相時任右金吾衛

將軍昆弟每上朝軒蓋騶導盈間巷時號所居坊曰

鳴珂里朱敬則亳州永氏人以孝義世被旌顯一

門六闕相望咸亨中高宗召見異之楊炎鳳翔天

興人三世以孝行聞至門植六闕古所未有後爲相

劉仁軌汴州尉氏人咸亨五年東伐新羅破之進

爵爲公子及兄子受一柱國者三人州黨榮之號所居爲樂城鄉三柱里

後漢荀淑有子八人居西豪里縣令苑康曰昔高陽氏有才子八人遂書其里爲高陽里時人號曰八龍

### 宋朝都堂

國初典禮之事當集議者皆先下詔都省吏以告當議之官悉集都堂設左右丞座於堂之東北南向御史中丞於堂之西北南向尚書侍郎於堂之東廂西向兩省侍郎常侍給事中諫官於堂之西廂東向知名表郎官於堂之東南北向集議御史於堂之西南北

向又設左右司郎中員外於左右丞之後三院御史  
於中丞之後郎中員外於尚書侍郎之後起居司諫  
正言於諫舍之後如有僕射御史大夫卽座於左右  
丞中丞之前如更集少官卽諸司三品於侍郎之南  
東官一品於尚書之前武班二品於諫舍之南皆重  
行異位卑者先就席以官高者爲表首 祥符四年  
五月一日詔曰文昌殿 路師長百僚自今宰相官至  
僕射者並於中書都堂 对上不帶平章事者亦本省  
赴上令太常禮院崇文 院詳定儀注明年二月禮院  
上儀注至和二年七月 九日詔宰相召自外者百官

班迎之自內拜者聽行

上事儀

文富入相然亦辭之

元豐五年

五月九日詔新除左右

僕射赴尚書省行禮上儀

建炎四年五月二十日

詔侍從臺諫官並赴都堂議

事隆興二年十一月二十一日詔多事宜博謀侍從

兩省官每日一到都堂臺諫亦許會議

唐六典凡議謚之法太常寺擬訖考功於都堂集省

內官議定然後奏聞

唐故事藩鎮帶平章事合於

都堂治事刊石以紀官族視事之歲月

### 宋朝政事堂

官志中書在朝堂西是爲政事堂其屬有舍人專職

三才卷一百之二  
三百七十一  
詔命闕則以宅官知制誥或直舍人院院在中書之西南國朝中書門下並列於外又別置中書於禁中是爲政事堂與樞密院對掌大政乾德二年四月十九日置參知政事不升政事堂止令就宣徽廳上事

淳化飛白玉堂

二年十月賜承旨蘇易簡

范杲獻玉堂記

慶元五年九月

二十一日詔學士院創玉堂殿止以一堂爲名

祥符繼照堂 繼聖堂

在開封府廨東真宗凡京府日太宗命創射堂習射

太宗淳化五年九月壬辰以皇子襄王行  
開封尹事 後以府尹廨舍爲潛龍宮 祥符三年

寶訓作 閏二月二十四日丁卯上幸開封府射堂宴  
二年 誤

射謂從臣曰朕昔尹京兆先帝爲創此堂俾之習射

周覽久之多所感慕又至堂閱太宗御書圖書數十

軸遂宴射于射堂上作七言詩從臣畢賦

上中的者七 戊

辰制曰昔東漢之隆遇宛陵之故事正觀之盛臨慶

善之舊官所以申愷樂之私宣優裕之澤朕頃在儲

邸獲尹神京用修相圃之儀遐擬宣猷之地知樞密

院事王欽若上駕幸舊邸七言三十一

一作二十韻詩上作

歌以荅仍詔褒之甲戌詔曰朕頃在儲闈允釐京邑

仰承訓導幸底密寧爰就公庭載營完址俾因聽訟  
之暇用爲習射之儀入纂邦基載移星律乘青陽之  
布令擁法從以來臨感慶兼深惠賚胥洽式徇宰司  
之議易茲題榜之名庶增煥於黃圖永流芳於元作  
夔夔圃其開封府舊射堂宜名曰繼照堂是日設齋張

樂許士庶遊觀三日

勝溫其進  
繼照堂頌

初營是堂西有井

將塞之上曰必有神龍潛蟄命覆巨石未幾果有龍  
躍出至是人作使張文邀敘其事祥符六年八月丙  
寅繼照堂芝草生上作歌賜近臣天聖二年八月己  
卯幸繼照堂景祐元年正月庚寅改爲繼聖堂

祥符資善堂記 賜詩 宴從臣 讀

孝經

在元符觀南大中祥符八年置

七年十一月巳未作元符觀卽劉永規廢

舍

一云七年十二月

仁宗隸學之所

八年十二月戊寅皇子冠

辛卯封授皇子慶國公忠

正軍節度使壽春郡王 祥符九年二月甲午詔以

元符觀南皇子就學新堂宜以資善爲名因製記

取乾

資始善長之義與智長化與心成

習

詔曰利建元子肇開懿藩將崇

樂善之規式務從師之教眷惟丹禁夙啟清都就茲

曲密之庭以爲誦弦之地命晏殊崔遵度爲記室咨

議

長編云張士遷崔遵度

在正月壬申入內押班周懷正爲都監



入內供奉官楊懷玉爲壽春郡王伴讀仍面戒堂中  
無得戲笑及陳玩弄之具庶事由禮使王親近僚友  
三月庚申壽春郡王會友張士邈等于堂上作七言  
詩六篇分賜之丁卯讀孝經序終篇賜士邈等會于  
堂上賜詩三首四月戊戌郡王請以聖製堂記及賜  
諸王詩刻石堂壁五月戊午詔獎王友張士邈等以  
王讀孝經徹章故也王初爲詩卽成章有人心懷禮  
義之句上喜語輔臣九月丁未讀論語第二卷畢賜  
會于資善堂天禧二年正月乙未朔上宴宗室于是  
堂辛亥詣元符觀資善堂宴從臣召壽春王府官屬因

出聖製資善堂記元符觀頌及聖製賜郡王恤黎民  
守文儉約等七詩及王之詩什書翰示輔臣向敏中  
等曰王始著吟詠句意精奇天縱才藝咸再拜稱賀  
二月丁卯制行江寧尹進封昇王八月甲辰立為皇  
太子癸丑作元良箴又製十韻詩各一首分賜庶子  
賓客以下九月丁卯天安殿冊太子三年九月丙子  
賜元良述六藝箴承華要略四年徙御厨北一作禁  
苞之北  
一云宣祐門內東  
燕其講筵所亦在焉十月乙卯資善堂上梁是歲正  
月十七  
日太子會宮僚觀之十一月庚午御札中書密院常  
務令宰臣與太子就資善堂會議壬申輔臣見皇太

子於堂十二月九日乙酉詔隻日承明殿不視事。中書樞

密院詣資善堂議事辛丑太子會師傅宮寮于是堂

賜教坊樂先是天禧元年九月甲子讀論語畢第九卷宴王友于堂四年十月壬辰以太子

係王欽若為資政大學士日赴資善堂侍講讀五年三月庚子宰臣兼太子

師傅十日一赴是堂賓客以下隻日更侍講學四月

十一日戊午以太子生辰宴輔臣宮僚于堂五月第

未詔皇太子讀春秋輔臣奏曰臣等將入資善堂

侍講席太子天姿英邁好學不倦寫字有筆法上嘉

仁宗寶元二年三月癸丑賈昌朝王宗道於

堂編排書籍教授內臣以編脩為名四月戊辰命趙希言楊

國編排癸未皇祐元年七月壬子帝幸是堂作詩有

仰懷慈訓之句

說書所寓資善堂慶曆初改爲講筵所至和二年三月宴餞知徐州呂溱

於是堂治平四年五月餞李東之十月乙卯餞李受命侍臣賦詩時謂遠過二疎元豐八

年哲宗初即位十二月二日詔十五日開講筵講論詔讀

寶訓講讀日赴資善堂以雙日講讀仍輪一員宿直

十五日乙亥初御邇英閣詔宰輔記注講讀官宴于

資善堂賚銀帛有差元祐元年三月十六日詔講讀

官更不輪資善堂宿直六年詔史院寫邇英延義記

注送資善堂徽宗政和元年三月二十七日定王

嘉玉出就資善堂聽讀二年詔許講筵官到堂參見宣

和元年四月詔置直講翊善贊讀

明道壽寧堂

宮中有清淨堂明道元年十月改曰壽寧 明道中  
奉太祖御容于壽寧堂

慶曆定州閱古堂

八年夏五月天子以河朔地大兵雄而節制不專詔  
魏瀛鎮定四路悉用儒帥兼安撫使而以韓琦帥定  
州郡圍有亭琦廣之爲堂旣成乃撫前代良守將之  
事可載諸圖而爲法者凡六十條繪于堂之左右壁  
名爲閱古堂富弼爲之作詩 一書且閱古堂詩一卷

治平聞義堂

元年六月丁未增置同知大宗正事一員以宗惠領其職且降詔申儆之宗惠卽所居築堂曰聞義日與學士大夫講肄其間以身倡率宗屬

政和摘文堂

五年十月二十九日乙丑御書摘文堂榜賜學士院承旨強淵明等上表謝

紹興資善堂 孝經圖

詳見東宮類

五年五月八日辛巳詔擇日除防禦使

孝宗舊名爲節度

使封國公出就資善堂聽讀

先是元年四月戊申以至和故事面諭宰臣宗

尹輔臣奏事趙鼎曰昨日得旨

見上

臣退而與孟庾

沈與求商量皆仰贊陛下爲宗廟社稷大慮謹令有司卜本月二十六日吉上曰可與求曰此盛德之事也上曰朕年二十九未有子然國朝自有仁宗故事藝祖勦業其勤至矣朕取子行下子鞠於官中復加除拜庶幾仰尉在天之靈初張浚未出使也上嘗以語鼎浚庾與求曰此子天姿特異在宮中儼如成人朕自教之讀書極強記鼎先得旨於行宮門內造書院屋一區欲令就學有司以圖來上凡建屋十六間從約也至是書院成上曰只以書院便爲資善堂俟

除授訖命儒臣爲直講翊善悉如故事二十六日巳  
亥貴州防禦使爲保慶軍節度使封建國公詔宗正  
少卿直史館

會要云徽猷待  
制史館修撰

范冲兼資善堂翊善起

居郎朱震兼資善堂贊讀上親筆付出朝論以二人  
爲極天下之選六月五日宰臣趙鼎循故事乞謁見

上曰朕令國公至資善見冲震皆設拜蓋尊師重傳

不得不如此

巳酉建國公  
初出資善堂

冲等每因牋奏導國公以

仁義之言輒標軸藏之時一展玩國公嘗得李公麟

所畫孝經圖冲書其後曰孝者自然之理學然後知  
之行之以不息守之以至誠習與性成是謂純孝不然



無以立身矣國公其勉之六年十月乙卯震冲各進  
官一等以建國公讀孟子終篇也十二月蘇符兼贊  
讀代范冲也六年九月建國公讀孟子終七年十二月  
十一日讀尚書終十九年三月二日普安王讀公穀  
傳終篇 九年三月十四日崇國公璩赴資善堂聽  
讀

淳祐七年正月詔就內小學建資善堂置贊讀直講  
俾暫於藩房訓習以其年未可出就外傳也 景定  
東宮講堂名新益

紹興御書玉堂

周麟之典司內命援淳化故事以爲請翼日內出玉堂二大字以賜 玉堂本漢別殿在未央宮與清涼宜溫神仙長年金華白虎麒麟列峙相望史不詳著而略見於李尋翼奉傳然則玉堂蓋殿名也待詔者有直廬在焉故尋自謂久汗玉堂之直易簡所乞太宗所賜實取諸此後避英廟諱至紹聖中始掇取二字榜于院識者非之謂不當以前代殿名皇朝寶札揭之於臣下止息之地今臣建請則所不敢惟勒石旌事以永億載之傳廣四方之藏侈儒生千一之遇

宋朝載忻堂

德壽宮禁籙周回分四地分東則香遠

梅堂

清深竹

堂

南則載忻

大堂御宴處

### 淳熙東官射堂

二年夏始創射堂爲游藝之所圃中有榮觀玉淵清賞等堂鳳山樓皆燕息之地

景定東官堂各凝華

置成帝紀常欲於後園作射堂計用四十金以勞費乃止

### 淳熙翠寒堂

六年上作翠寒堂於禁中以日本松爲之不施丹雘嘗名宰輔趙雄王淮奏事堂下古松數十清風徐來

上曰林聲其清遠勝絲竹

苑中有偉觀  
堂碧射堂

七年五月

壬子雄等奏昨日奏事觀堂錫燕賜宸翰

淳熙議事堂

十四年十一月己亥詔皇太子參決庶務先是學士  
洪邁入對言天禧資善之詔可舉行也至是詔右相  
周必大討論資善堂典禮必大奏天禧時仁宗尚幼  
始見輔臣恐不可用西晉有宜猷堂今作議事堂可  
也十五年正月二日戊戌必大請上御延和殿令宰  
執奏事畢然後過堂議事先是有詔東內門司改充  
議事堂太子隔日與宰執相見議事九日乙巳又詔

每御朝令皇太子侍立

歷代堂名

後漢

萬金

靈帝造於西園

後魏

凝閑

雲母

九華

宣文

代

皇信

代

光極

清徽

華休

苗茨

隋

紫霄

玉華

延祥

碧華

瑤房

御福

翔龍

明華

雕綺

嘉猷

芳輝

花梁

含光 温玉 繁露 花光 儀鸞 芳音

重壁 光華 懷芳 璧月 文綺 輝景

瑤光東西 山齊 華渚 翠集 流風

崇蘭 麗景 鮮雲

三十六國

諮議 琨華 湛露 宣德 李中 媿賢

螽斯則百

六朝

芳香 芙蓉 太極東西 德陽 樂賢 閔武

崇政東西 樂修 集賢 宣猷 貞華

畫

比齊

比

涼風 德陽 萬歲 乾壽 聖壽

丹臺新錄所載

高暉堂 鬱絕宇

室

室實也。人物實滿其中也。

黃帝特室

莊子在宥篇黃帝立十九年聞廣成子在空同之上

往見之退築特室席白茅間居三月復往邀之順下  
風問至道 一 周書黃帝始作官室

堯衢室

管子威公問篇堯有衢室之問者下聽於人也

爾雅五達

曰康四達曰衢

一 文中子問易篇議其盡天下之心乎昔黃

帝有合宮之聽堯有衢室之問舜有總章之訪皆議  
之謂也并天下之謀兼天下之智注當衢爲室以採  
民言管子曰堯開衢室聽於民也 一 子華子堯居於  
衢室之官 一作中 垂衣而裳幅遠如神明之居輯五瑞  
以見羣后帶幅舄而入覲者如衆星之拱北 一 魏文



帝紀令曰放勛有衢室之問所以廣詢于下 陳子

昂傳堯衢室調元氣治陰陽 一列子堯游于康衢聞

兒童謠立我蒸民莫匪爾極 云云 一晉志堯衢尊先

惠 一王勃九成宮頌序帝唐復衢室之尊 一獨孤及

傳堯設誹謗之木於五達之衢 一淮南子堯樸桶不

斲素題不斲

晝稽于衆舍已從人清問下民

### 舜太室

文選王融曲水詩序接禮貳官考庸大室注尚書大

傳曰維十有五祀舜爲賓客禹爲主人樂正進贊曰

尚考太室之義唐爲虞賓鄭元曰舜旣使禹攝天下  
之事於祭祀避之居賓客之位獻酒則爲亞獻尚考  
猶言往時也太室明堂之中央室也義當爲儀禮儀  
也謂祭太室之禮堯爲舜賓也 孟子舜尚見帝帝  
館甥于貳室

夏五室

冬官匠人營國夏后氏世室堂修二七廣四修一世  
者宗廟也五宗三四步四三尺注堂上爲五室象五行也

三四步室方也四三尺以益廣也木室於東北火室  
於東南金室於西南水室於西北其方皆三步其廣

益之以三尺土室於中央方四步其廣益之四尺此五室居堂南北六丈東西七丈疏宗廟制如明堂明堂之中有五天帝五人帝五人神之室皆法五行五行先起東方故東北之室言木其實東北兼水東南兼木西南兼火西北兼金中央大室有四堂四角之室皆有堂中爲大室故多一尺大室居中四角之室於大室外接四角爲之夏之世室其室皆東西廣於南北周亦五室直言凡室二筵或五室皆方二筵與夏異制鄭意以夏周皆有五室十二堂明殷亦五室十二堂夏度以步殷度以尋周度以筵是王者相改

也。玉藻疏異義明堂制禮盛德記曰九室月令說云四堂十二室。

### 武王牧室

禮記大傳牧之野武王之大事也既事而退柴於上帝祈於社設奠於牧室遂率天下諸侯執豆籩逡奔走注柴祈奠告天地及先祖也牧室牧野之室也古者郊關皆有館焉先祖者行主也。莊子湯武之室

### 周路室

地官遺人十里有廬廬有飲食三十里有宿宿有路室路室有委五十里有市市有候館候館有積注廬

若今野候徒有房也宿可止宿若今亭有室矣候館樓可以觀望者也一市之間有三廬一宿

### 周龜室

春官龜人中士二人工四人掌六龜之屬天靈屬地繹屬東果屬西靈屬南獵屬北若屬凡取龜用秋時攻龜用春時各以其物入于龜室注六龜各異室也史龜策傳褚先生曰令高廟中有龜室藏內以爲

### 神寶

### 周九室

冬官匠人營國室中度以凡內有九室九嬪居之外

有九室九卿朝焉

內外之九室指王宮后宮對言也

注內路寢之裏

外路門之表九室如今朝堂諸曹治事處六卿三孤爲九卿疏內外據路寢之表裏言之九卿之九室在門外正朝之左右爲之九嬪掌婦學之法則九室是教九御之所也

### 周中興官室

漢劉向傳上疏諫曰

成帝

周德旣衰而奢侈宣王賢而

中興更爲儉官室小寢廟詩人美之斯干之詩是也

美宣王

上章道官室之如制下章言子孫之衆多也

考室如制謂殖殖其庭有覺其楹君子攸寧也

斯干疏宣王都在鎬京此

考室堂是西都宮室

詩云築室百堵西南其戶如鼓  
斯真如矢斯棘如鳥斯華如暈

斯飛 鴻鴈之子  
于垣百堵皆作

拾遺記昭王卽位二十年王坐祗明之室

### 齊嘖室

管子威公問篇

第五十六

公問曰吾念有而勿失得而勿

忘爲之有道乎對曰勿創勿作時至而隨母以私好

惡害公正察民所惡心自爲戒黃帝立明臺之議者

上觀於賢也堯有衢室之問者下聽於人也舜有告

善之旌而主不蔽也禹立建鼓於朝而備訊喚湯有

總街之庭以觀人誹也武王有靈臺之復而賢者進

也公曰吾欲效之其名云何曰名曰嘖室之議以東  
郭牙爲之此人能以正事爭君者也

燕有曆室

樂毅傳曆室戰國策括地志云曆室燕官名也

漢石室 祕室

高祖紀金匱石室注師古曰以金爲匱以石爲室重  
緘封之保護之義 天史公自序秦撥去古文明堂  
石室金鑊玉版圖籍散亂遷爲太史令紬史記石室  
金鑊之書 後傳李固對策口宜開石室陳圖書  
黃瓊上疏曰宜開石室案河洛注石室藏書之府  
王允爲司徒遷都關中收歛蘭臺石室圖書祕緯



儒林傳自辟雍東觀蘭臺石室宣明鴻都諸藏典策

文章一隋志明章繼軌石室蘭臺彌以充積魏都

賦窺玉策於金縢案圖錄於石室注揚雄遺劉歆書

曰得觀書於石室魏文帝爲金策著令藏之石室劉歆七畧內有

延閣廣內祕室之府一風俗通周秦以歲八月遺韞

軒之使採異代方言奏之藏祕室王元長云書笈

珥彤紀言事於仙室漢五行志有非常室

### 漢宣室

列傳賈誼爲長沙太傅歲餘文帝思而召之至入見

上方受釐坐宣室

宣室未央前殿正室釐祭餘肉也漢儀注祭天地皇帝不自行罍致

登。上因問鬼神之本，誼具道所以然之故。至夜半，立

帝前，席既罷，曰：「吾已久不見賈生，自謂過之，今不及

也。」東方朔、武帝爲竇太主置酒宣室，使謁者引內

董偃。是時朔陛戟殿下，辟戟而前，曰：「偃有斬罪三，安

得入？」上默然，朔曰：「宣室先帝之正處也，非法度之政

不得入焉。」上曰：「善。」有詔止更置酒北宮。陳忠上疏曰：武帝納東方

朔宣室之正。何武宣帝時，益州刺史王褒使辯士王褒

作中和樂職宣布詩三篇，頌漢德。武年十四五，與成

都揚、覆衆等共習歌之。是時宣帝求通達茂異士，召

見武等於宣室，上曰：「此盛德之事，吾何足以當之？」

新清丁巳年... 監生饒平南刊

陳湯成帝時西域都護段會宗爲烏孫兵所圍上書  
願發敦煌兵自救上召湯見宣室對曰臣以爲此必  
無可憂詘指計曰已解矣王嘉成帝鴻嘉中舉

敦朴能直言召見宣室對得失政事刑法志宣帝

季秋後請讞時上常幸宣室齋居決事刑獄號爲平

注如淳曰宣室布政教之室也晉灼曰未央宮中有

宣室殿師古曰賈誼傳亦云受鰲坐宣室蓋其在前

殿之側也齊則居之宣紀甘露四年十月未央宮

宣室閣火黃圖宣室布政教之室也溫室清涼皆

在未央宮殿北宣明廣明皆在未央宮殿東昆德玉

堂皆在未央殿西

**西京賦**

宣室玉堂譬衆星之環

極。王元長策秀才文。至於思政明臺訪道宣室注

宣室謂漢召賢良之處

**長安志**

淮南子曰武王殺

紂宣室

宣室殿宮名一曰獄也漢蓋取舊名也

胡廣曰宣帝感路溫舒

言季秋後請讞時帝幸宣室齋居而決事令侍御史

二人治書

**後五行志**

有南宮宣室殿

**漢溫室**

魏唐見下

**黃圖**宣室溫室皆在未央宮殿北

選注同

溫室殿武帝

建冬處之溫暖也

宣溫二室西南其戶

**西京雜記**曰

溫室以椒塗壁

取其溫且芳也

被之文繡香桂爲柱設火齊

屏風鴻羽帳規地以屬賓遷瑜

漢宮殿疏在長樂宮又漢宮閣記在未央

宮

漢書列傳

孔光爲尚書令歸休與兄弟妻子燕

語終不及朝省政事或問温室省中植何木光不應

注晉灼曰長樂宮中有温室殿

京房元帝時奏攷

功課吏法上令公卿朝臣會議温室霍光與羣臣

奏昌邑王夜設九賓温室

隋志

哀帝徙温室中書

于天祿閣

劉向別錄

雅琴趙定龍德召見温室

西都賦清涼宣室

今按未央宮建於高帝之七年

作延清以避隆暑温室以御祁寒翼奉謂孝文時未

央宮獨有前殿曲臺漸臺宣室温室承明然則孝文

時有之、非武帝建也、史記表大事記、文九年、溫室  
鐘自鳴、張衡西京賦云、溫調延北、注、殿名、後漢  
洛宮有溫飭殿、洛陽宮室名曰、洛陽有望舒涼室  
含章鞠室、清暑涼室、拾遺記云、漢武息於延涼室  
漢考工室 畫室

百官表少府有考工室、居室甘泉居室、令丞、臣贊曰冬官爲

考工主作器械太初元年、更名考工室爲考工、居室爲保宮、

甘泉居室爲昆臺、昆臺五丞、列傳灌夫罵坐不敬、

繫居室、注、師古曰、署名、田蚡嘗請考工地益宅、

衛青嘗從入至甘泉居室、劉輔繫共工獄、注、考工

也。霍光止畫室中。後官志有畫室長一人。宦者  
主中宮別處。

宣紀暴室。嗇夫許廣漢注。應劭曰。今日薄室。師古曰。掖廷主織作染練之舍。故謂之暴室。取暴曬爲名耳。薄亦暴也。韓延壽傳。在東郡時。試騎士歌者。先居射室。注。李奇曰。都試射堂也。文選景福殿賦。注。李尤。鞠室銘曰。圓鞠方牆。放象陰陽。法几衝對。二丈相當。

漢文翁石室 周公禮殿

顏有意益州學館記。華陽國志。文翁爲蜀郡守。造講

堂石室一名玉堂安帝永初間烈火爲災惟石室獨存至獻帝興平元年太守高朕於玉堂東復造一石室爲周公禮殿集古錄有漢文翁石柱記云漢初平五年修周公禮殿水經注文翁爲蜀守立講堂作石室於南城後守更增二石室唐志益州文翁學堂圖一卷金石錄有周公禮殿記本朝狄遵度作石室賦慶曆四年益州守蔣堂廣其舍爲宮以教諸生治平中韓絳建講堂于文翁石室之西史記索隱同州河西縣有子夏石室學堂

漢西王母石室



地理志金城郡臨羌縣西北至塞外有西王母石室

漢織室 凌室

百官表少府有東織西織令丞河平元年省東織更

名西織爲織室

中興省織室令注後漢織室丞一人

六典

惠紀四年

七月乙亥未央官凌室災

又成帝永始元年春正月癸丑太官凌室火

丙

子織室災注師古曰凌室藏冰之室啣詩七月之篇

曰納于凌陰織作之室主織作繪帛之處 五行志

劉向以爲凌室所以供養飲食織室所以奉宗廟衣

服 霍光傳上乃下詔曰

地節四年七月詔

迺者東織室令

史張赦

云云

外戚傳漢王入織室見薄姬

三輔

黃圖未央宮東西織室織作文繡郊廟之服有令史

屬少府

後周司織下大夫唐織染令

後禮儀志季春之月皇后

帥公卿諸侯夫人蠶祠先蠶禮以少牢有蠶壇蠶官

繭觀織室

馬后紀置織室蠶于濯龍中數往觀視

以爲娛樂注濯龍園名也前書有東織西織屬少府

平帝改名織室

鄧后紀御府尚方織室錦繡水素

綺縠之物皆絕不作水經注水室舊在宜陽門內

東京賦諺門注水室門也宋孝武大明六年置

凌室修藏冰之禮

周典婦功典絲典臬卽漢東西織也

藏冰之禮凌

人掌之月令載之幽詩歌之

漢街彈室

周禮地官里宰

每里下土一人

以歲時合耦于耤以治稼穡

趨其耕耨行其秩敘注兩人相助耦而耕也耦者里宰治處也若今街彈之室於此合耦使相佐助因放而爲名疏鄭以漢法況之漢時在街置室檢彈一里之民於此合耦金石錄有都鄉正街彈碑在昆陽

城中

中平二年正月

食貨志春將出民里胥平旦坐於右塾鄰長坐於左塾畢出然後歸夕亦如之汪師古曰門側之堂曰塾

坐於門側者督促勸之知其蚤晏防怠惰也

### 漢雲臺廣室

陰興傳建武二十年夏興受顧命於雲臺廣室

### 魏溫室

詳見上

魏都賦丹青炳煥特有溫室儀形宇宙歷象賢聖圖以百瑞絳以藻謀茫茫終古此焉則鏡有虞作績茲亦等競注溫室中有畫象贊

何晏景福殿賦溫房

承其東序涼室處其西偏注二殿名 卞蘭許昌宮

賦其陰則有望舒涼室義和溫房

晉宮閣名洛陽宮內有義和溫房

晉廣堂

元帝紀有司奏太極殿廣室施絳帳帝令冬施青布  
夏施練帷 周顛傳元帝召顛於廣室 紀瞻傳明  
帝嘗獨引瞻於廣室

唐溫室

唐大明宮有溫室殿 李庾西都賦左閣當辰延英  
耽耽宣徽洞達溫室隅南接以重離縣乎少陽是爲  
二宮複道邃廊